



NATURE STUDY

WOMAN'S AMERICAN BAPTIST FOREIGN MISSION
SOCIETY, TURA, GARO HILLS, ASSAM

1952

Edited by C. A. Wright, 1934

Reprinted 1952.

UIATSOANI

Bi-sarang uamang-ni sepango donggipa, Isolni ong-at-gimin janggi gnanggiparangni gimin uina namnika.

Ia lessonrang Sorkarini Curriculum gita primary bi-sarangna ong-a.

Modhunath G. Momin sagi ia lessonrangko gipin ku-sikoniko A-chik ku-siko sechengaha. Uarangko chinga chingni schoolo ruuta bilsirangna jakkalaha. Da-o ia lessonrangko chapa ka-ate pilak A-chik bi-sarangko chanchiatani aro dakchakani ong-gen ine ka-dongsoa.

Rangwin N. Sangma ia noksarangko dakaha. Emojin K. Marak angni manuscript aro proofkoba poraiahani gimin anga uko mitela.

C. A. WRIGHT.

JA·PANG KATARANG

BAK I

				<i>Jak</i>
I.	Paroa	1
II.	Do·gep	3
III.	Do·ka	4
IV.	Do·sik	6
V.	Te·rik	8
VI.	Matchu	10
VII.	Mongma	12
VIII.	Te·gatchu	14
IX.	Mat	16
X.	Gure	18
XI.	Do·bok	20
XII.	Menggo	22
XIII.	Achak	24
XIV.	Ki·chil	26
XV.	Guang	28
XVI.	Chibrim	30
XVII.	Me·pilip Jo·ong	32
XVIII.	Mongnal	34
XIX.	Lebu	36


BAK II

I.	Koi Na·tok	37
II.	Elisa Na·tok	39
III.	Na·senchi	42
IV.	Ang·ke	43
V.	Peru	45
VI.	Mese	46
VII.	Chipu	47
VIII.	Beng·blok	49

				<i>Jak</i>
IX.	Baring	52
X.	Joba Pul	54
XI.	Genda Pul	55
XII.	Ata Bite	57
XIII.	Te-brong	58
XIV.	Wa'a	59
XV.	Grit	61
XVI.	Mi	63
XVII.	Cha	65
XVIII.	Chagiparangni Jelrooani	67
XIX.	Bitchri Gipangani Cholrang	71
XX.	Chio Chagiparang	73
XXI.	Sal	76
XXII.	Ripamchi	77
XXIII.	Sal aro Wal	78
XXIV.	Jajong aro Aski	79
XXV.	Monsooni A'sel Mai ?	80

BAK I

PAROA



1.

2.

3.

1. Ja'a.

2. Ki-me.

3. Kursik.

Bi-sarangoni saksa paroa aro paroani bitchirangko classona ra-baode nama.

Skigipa blackboardo paroani ku-sik, ja'a aro gangpong ba grangko salode namgen.

Rokom rokom rongni paroarang donga ; gipok, kaltapru, tangsek aro badiaba paroani be-eno rokom rokom rong donga.

Paroa do·gep aro do·nokna bate chonbata. Paroani be·enko nangipa kimilchi pindapa. Jakchi kimilko rim·e niboching.

Paroa sontolbea, aro jinma jinma dake dongna namnika ; mande baksaba dongna namnika.

Be·en baksa tosusaode uni gangpong aro ki·me be·enna bate namen dal·batbea. Gangpongko ka·sne badale niboching.

Uni ja·a ge·gnian chonchonbea, ja·a ge·prakon ja·si ge·bri ; mikkangchi ge·gitam, ki·sangchi ge·sa donga. Iarangchi bol cheksio ma·bakna man·a. Ja·sirang do·gepni ja·sirang gita bigilchi ritshugrikja.

Uni ku·sik nom·a, ku·chotsanmangmang rakaia aro uan chonbea. Iachi chonchonbegipa mirangko kolna man·a.

Gingtingni tu·gipa a·kol ge·gni ku·sikni kosako donga. Uni mikron dal·dala aro nikani bil ta·raka; paroa chel·beoniko chonchonbegipa mirangko nikna man·a.

Paroa sket bakket dake ba chue bilna man·a, maina uni gangpong aro ki·me dal·a. Ua ja·achi re·a, bilchrokja.

Ua bitiptangko namnikbea aro chel·beoniba bitiptangona pil·baaia. Changprako ronggnina agre bitchi chi·ja; bilsa sao bang·a jora bi·sarang pe·a.

Paroa Bakbak·kur, Bakbak·kur ine mikoronga. Chongipa bi·sarang paroa baksa kal·grikna namnika. Paroa bilatara Indiao kal·ani mingsa ong·a. Songni rajarang bang·a paroani dolko jilronga. Paroako cha·ani dake jakkala. Paroako skiode koborko ra·angna changgen. Ki·meni jatchio grang gong·sao chitiko kae watatronga. Noa paroa (do·kru) ko watatahaao, pil·baon uni ku·siko joitun bolni bijak chotgital jaksa gngangchim.

1. Badita rokom rongni paroarangko nikaha, mingbo.
2. Paroani gangpong aro do·gepni gangpongko tususabo.
3. Do·gep bilna man·batama, paroa man·batama ?
4. Paroani maiba dingtangmancha gun dongama ?
5. Paroani ku·sik, ja·a aro gangpongko sale mesokbo.

DO·GEP



1. Ki-me.



2. Ja'a.

3. Sko.

*Skanggipa lessono gita do'gep mangsako classona
ra-baode aro skigipa blackboardo salsoode namgen.*

Na·simang adita ramram do·orangni bimungranko
mingbo. Iaranko chio rogipa aro a'gao rogipa bak gni
dake sualbo.

Da·o an·ching chio rogipa do·o mangsani gimin
poraigen aro uni bewalrangko nie bikotna joton ga·gen.

Gipok, gisim, rokom rokom rongni do·geprang gnang.
Mitam do·geprangni rong brina.

Paroana bate do·gep dal·bata aro uni be·enko nom·be·
gipa, bing·gipa kimilchi pindapa. Gangpong aro
ki·meko be·en baksa tosusaode uarang chonchona.

Ja·a ge·gni, ja·a ge·antion ja·si ge·bri ; ja·si ge·gitam
bigilchi nangrimgrika, ge·sa dingtanga.

Do-gepni ku-sik dalgepa, uni riking ki-chong gita wagam den'a, iachin chekna man'a. Ku-sikni kosakgipa bakko nom-gipa bigilchi pindapa. Ku-sikni rikam aro ku-chot raka; ia rakgipa bakchi chi ning-oni an-cheng-rangko jotgilgilna man'a. Sre dal'a aro ritchoa, ku-chot-chia raka aro wagam den'a gita daka. Gingkol ku-sikni samsachi ong'a.

Do-gepni gangpong dal-jani gimin namedake bilna man-ja. Paroa baksa tosusabo.

Do-gep jrona man-bea, maina uni nangchapgrikigipa ja-sirang boita gita kamko daka. A-ga aro chi do-gepna apsan ong'aia.

Do-gep an-cheng se-engipa, jo-ong, kan-churi aro ma-manti gipin cha-aniko cha'a.

Do-gep burungni ja'a sima, do-gep nokni ja-ani rong rimita.

Do-gepni bitchiko cha'a. Uni kimilko tosoke aro gadi dakna jakkala.

1. 'Daknanggijagipa Do-gep Bi-sa' minggipa ki-tapko jak 1 oni jak 7 ona poraikubo.

DO·KA

Mai mai do-o burunrang mandeni nokona re-baronga uarango minge, jean mandena gimaaniko dakbata uko basee ra-gen. Ia do-o do-kaan ong'a.

Uni rong gisimbea. Uan paroana bate dal-bata; skooni ki-meona inch 17 mang ro-a. Uni be-enko bing-gipa kimilchi pindapa. Cha-aniko kolmitingon pangnan natgrika gita nangani gimin do-kani dal-gipa ku-sikni aro gingtingni kosako donggipa kimil go-okronga.

Uni gangpong ro-bea aro uni ku-chot chona. Ian bilna dakchakani ong'a.

Uni ku-sik rakbea aro sronga, ku-sikni ku-chot chona; iachin rakgipa bitchilrangko pe-na man'a.

Uni ja·si ge·bri ; mikkangchi gegitam aro ki·sangchi ge·sa donga. Ja·sirang raka indiba min·drokdrok daka ; iarangchi bolni cheksio ma·bakna, re·na aro bilchrokna man·a.

Do·ka pilak cha·anikon cha·a, bakrarangoba uni cha·ani bang·a.

Do·ka jinma jinma dake donga. Jinmani tik ka·gimin



1. Gangpong.

2. Ja·a.

niam gnang. Burungni achakrang jekai damsan donga uandaken do·karangba damsan donga. Burung damsanon do·ka dolsa gimik damsan sa·a ; bakra damsanon jak dake damsan cha·aniko am·e cha·a. Do·ka mangantian jinmani niamko manina nanga. Badiaba do·ka jinmani niamko pe·ode uko bitiponiko a·rikata, ong·jaoba so·ote gala.

Do·ka mangsa manggipinni bitiponiko bitip dakani bosturangko cha·ua. Do·ka gisegrikna namnikbegipa ong·a, basakoba basakoba do·karang dokgrika aro mangsa manggipinko subea.

Do·kani Kak ! Kak ! ine mikoao mamung knatoani gri.

Do·ka sogimin be·enrangko cha·e gala, sogipa bosturang balwako bisi ong·ata. Je je jo·ong gukrang miko nosto ka·a do·ka uarangko aro uarangni bitchirangko cha·e bon·ata.

1. Do·ka an·chingna mai namgniko daka ?
2. Do·ka baksa do·gepko tosusabo.
3. Do·ka jinmani niamrang mai mai ?
4. Do·kani noksako sale mesokbo.
5. 'Daknanggijagipa Do·gep Bi·sa' minggipa ki·tapko jak ro oni jak 15 ona poraikubo.

DO·SIK

Tangsekan do·sikni grangni mongsonggipa rong ong·a ; mitam mitam biaprango gitckak, tangsek aro gipokba gngang. Indiba ia pilak rongkon tangsek pindape dongronga aro uarangko bilmitingosan nikna man·aia.

Do·sik dikbegipa burungo donga. Grangni rong tangsekani gimin tangsekgipa bijako do·sikko nikna man·breja. Basakoba basakoba do·sik mande dongramni sepang bolo ba guareni rong·kolo donga.

Do·sikni grang dal·beani gimin ua bilna man·bea.

Ku·sik kosakchini bak raka, mata aro kom·kua milsi gita ong·nasipila aro ka·machini bakna bate dal·bata. Ku·sikni rong gitckaka.

Uni ja·a ge·gni donga. Ja·a ge·prakon ja·si ge·bri; mikkangchi ge·gni, ki·sangchi ge·gni donga. Ja·a ge·prakni ja·si ge·gitam ro·roba. Ja·sirango matgipa ja·skilrang gngang.

Uni sre dal·a, ritckara aro do·sik altuen sreko iachi uachi il·lengna man·a.

Do·sik bilna man·bea, indiba uarangni dongram burung dikao ong·ani gimin bilna bang·en champenganiko man·a. Ku·sik aro jakskilchi bolni cheksio rim·e do·sik chel·bee re·angna man·a. Do·sik kosakgipa ku·sikni milsi gita dakgipako bolo rakate altue dingdena man·a.

Do·sik mongsongde mi aro biterangko cha·a. Ua ja·sichi biteko rim·e ku·sikni sepango dona aro ku·sikchi ka·sne ka·sne bikapko gala. Galmitingo srechi nanga gita on·ti on·ti an·pilata.

1.



1. Sko.

2. Ja·a.

Do·sik mande baksa nangrima. Ua namen nambegipa jillani ong·a. Maina do·sik nina nitoa ; jilgipako namnikbea aro mandeni aganako sningna man·a.

1. Paroa aro do·sikni cholonko tosusabo.
2. Do·sikko dakbo.
3. Do·sikko do·sing baksa tosusabo.

TE-RIK



1. Bibal.

2. Bibal tom·daka.

Te-rik bipangni sepango ia lessonko skiode nama.
Na·simang mai mai biterangko cha·na namnika ?

Da-alo an-ching te-rikni gimin dingtang dingtang uiani-rangko bikotgen.

Te-rikni ja-pang foot 15 ba 20 mang chua. Bolrang te-rik pakkoreni chimongasan ong-aia. Uarango bitchian gapa. Bibolni jatchio bokgipa, ro-gipa bostu mingsa gngang, uko ga-brong minga. Uko bikote an-ching cha-tote nigen.

Bijakrang tangseka, foot 6 oni foot 8 ona ro-a aro foot 2 mang apala. Bijakni jatchio rakgipa dal-gipa ga-tong ge-sa gngang. Ianoni chonchongipa ja-dilrang ong-kate samtangtangchi bijakni rikingona soke dakanga. Ia ja-dilrang bijatchini ga-tong baksa groe nangchapa. Bijakrang balwana altue grinanga.

Kosako agangipa bijatchini ga-tongo bijakni kosakchi ge-sa ro-gipa chikare gngang, ua chikarekon mikkani chi bolni bijatchiona jokanga. Bijatchigipa ga-brongo aro pakkoreo chu-ongen chi chimongna gngang. Mikka wajaode te-rikni bol ua chikon jakkala.

Te-rik bolni jatchio je bokgipa ga-tong gngang, jeko ga-brong minga uani ku-chotan me-kinni ga-tong ong-a. Uni gimin bol pangsao changsasan bite nangaia. Te-rik minahaon bolko den-e te-rikko chimonga.

Bibalrang tom-dak tom-dak dake daka, tom-dakantini ritthagipa bigil gita dakgipa pindapanini ning-chinipak on-tisa gitcaka, indiba kosakchini gitcakbatbea. Ning-o donggipa pindapanirangni samtangtangchini rong a-mang gita daka. Bibal ge-antian dal-ahaon pindapani ge-akanga aro bibal baksa te-rik ong-kata.

Te-rik bite cha-na chi-a, ning-o be-enan gapa, ku-chotchi jatchina bate on-tisa chonangbata.

Te-rikni bigil ritccha, uako groe ona man-a. Mitam te-rikrangni bitchil donga. Te-rik gittang tangseka; minode rimita ba gitcaka. Indiba mitam mitam te-rikrang minahaoba tangseke dongaia. Mitam te-rik mikprak ro-a.

Te-rik bol bitchrioni charongja, ja-dil gitcamoni bol gital chaa. Te-rik bol jagnioni bilsu gitamona kingking

tanga. Te-rik bolni bilsi, bilsiprak ong-rongaia. Bang-gija somoeni gisepon te-rik bol dal-a, bibal bala, bite nanga aro ja-mano bibol sianga.

Te-rik bolni ning-oni bokgipa bostu gedako bijak cha-a. Te-rik cha-na tobea aro milatani ong-a.

Te-rik bol mongmani mongsonggipa cha-ani ong-a. Ga-tong, bijak aro re-suko so-e katchi daka. Ua katchichi ba-rarangkoba su-na man-a. Manderang te-rik bijako mikoba sae cha-ronga.

1. A-steko ra-e te-rikko dakbo.
2. Te-rik aro me-kinko sale mesokbo.
3. Te-rik bol mai dakgipa ong-a ?
4. Uko mai maina jakkala ?

MATCHU

Matchu bolotrang gitcak, gisim aro gipok ong-ronga. Uni be-eno chonchongipa nom-gipa kimilrang gnang.


Bolotni ja-a ge-bri, ja-a ge-antion chitgipa ja-skep gnang. Ja-a ge-antini ki-sangchini ja-skepni kosako jakkalna namgijagipa chonchonbegipa ja-te ge-gni gnang.

Uni gitok ro-bea ; a-aoni samsiko cha-na gitok ro-ako nanga. Gitoko gijip gita dakgipa ro-gipa bigil gnang. Bolot ro-gipa aro dal-gipa srechi samsiko tom-prak chiksote ku-sik ning-china salpinapanga, iani giminan una ro-gipa sreko nanga.

Uni mikron dal-dala aro sima. Gingkol dal-dala aro on-tisa chuchepchep dakanga. Kosakchini chengknani mikkangchi wagam gri indiba raggipa bitin ge-sa gnang. Ka-machini chengknao tinsotani wagam gnang. Chengkna ge-gnion natani, chobaiani wagam gnang.

Atomo dal-dalbegipa dokra ge-bri gnang. Jeng aro ma-manti cha-ani bosturang skang, skanggipa dokraona napanga. Skanggipa dokraoni robol gita tom-bet tom-bet dake gnigipa dokraona re-anga.

Bolot neng takmitingo gnigipa dokraoniko on tiprak
 on tiprak dake jengrangko ku sikona ra bae namedake
 chikpineka. Chikpinekmanoa napangsrange. Gitam-
 gipa atomo jengrang on tisa jronganga. Unikoa brigipa
 atomona sokangon jronganga.



1. Atom.

2. Ja.a.

3. Ja.skep.

Chikpinekmitingo chengk narang il lenga, srong srong
 de doe onata gita uarang tang ruraaja indiba tang suet-
 grika.

Grong ge-gni donga. Iarangni ning-chi konggranga. Bolotni sko kosakni greng ning-oni grong nakata. Uni ki-me ro-bea aro ku-choto chokchimsa ro-gipa kimil gnang. Bolot ki-mechi ganggua aro tampirangko rikronga. Nachil ge-gni gnang. Skoni kosako donggipa jo-ongrangko rikgalna nachilko jakkala.

Bolot gari, nanggri aro ma-mantiko sala. Bolotni grongoniko churi bipong aro ki-chongko daka. Grengko gudam daka aro bigilko juta sika. Ja-skeponi ata rokomsa ong-kata.

Matchu bimarang sontol aro jinma jinma dake dongna namnika. Uarang bi-sana ka-sabea aro grongchi antangtangko rakia. Bimarang matchu sokko on-a. Ia sokonikon makkon, doi, aro ma-mantiko daka.

1. Bolotna maina ka-sae dakna nanga ?
2. Badia jillani ruutbate kam ka-a, balko ra-anga aro gari sala ?
3. Lekako ra-e bolotko dakbo.
4. Matchu tusiarin maina ku-sikko il-lenga ?
5. An-chinga maini gimin matchuna gro nanggipa ong-a ?

MONGMA

Mongmani rong kaltapru. Mongmani be-en dal-bea, indiba uni bimang daknangja. A-gilsako mongma pilakna bate dal-batgipa matburung ong-a.


Rakgipa aro ritchagipa bigilchi be-en gimikko pindapa, ki-meo aro skoosan sronggipa aro rakgipa kimilrang bang-gijasan dongaia.

Sko bikingkrak dal-bea. Skoni kosako a-kol gita dakgipa ongipa biap damsang. Be-en baksa tosaode gitok chonbea, indiba ritchabea. Mahut gitokni kosakon asonga. Mikron be-en baksa tosaode chonbea. Nachilni kosako bigilni pindapani gnang. Uan foolscap

leka gita daka indiba gijip gita dakbata. Mongmani knaani bil ta-rakbea.

Sundul sko bikrokoni ong-kate a-ao nangdikpila. Sundulni ja-pang dal-a, ku-chotchi chonoroanga. Sundulni ning-on ginkol donga. Mongma jechina ska sundulko il-lengatna man-a. Dal-dalbegipa cheksirangko sundulchi rim-e mongma uko pe-na ba jite galna man-a.

Uni ki-me rakbea indiba wingwangna man-a, ku-choto



1. Ja-ani samsa. 2. Ja-ani mikkang. 3. Sundul.

tom-daksa rakgipa kimil gnang. Mongma uachin gang-gua aro tampirangko a-rika.

Ja-a ge-brian bim-ronga aro krong gita daka. Mik-kangchini jak ge-antion jakskil ge-bonga bonga aro ki-sangchini ja-a ge-antion ja-skil ge-bri bri gnang.

Ku-siko chengkna ge-prako dal-dalgipa wagam ge-prak gnang. Kosakchini chengknaoni dal-dalgipa wagam ponggni ong-kata. Ia wagam ponggnian on-tisa gonggea;

ja-pangchi dal-dala, ku-chotchi chonchonroroanga. Ian bol aro cheksirangko pe-na sundulna dakchakani ong-a.

Mongma bol aro budurangko cha-a. Una cha-aniko bang-en nanga. Mongma cha-ani bostuko ku-sikchi de-tome cha-ja, sundulchisa cha-ani bostuko ku-sikona de-doata aro chengknani dal-dalbegipa wagamrangchi uko chikpineka. Ua sundulchi chiko ringa.

Mongma jinma jinma dake dongna namnika ; chikoba namnikbea. Gisep gisep be-en gimikko chio sripate donga. Mongma name jakkalako man-ode manigipa aro tom-tomgipa ong-a, indiba onia dakode jakbikpilna joton ka-bea.

Mongma namen uibea ; mahutni katako ra-bea. Iachin uni uiani gisikko uina man-a.

Burungni ning-tubegipa bakrango dal-dalgipa bolrang aro budurang dongani gimin re-toja aro saloba name jasengja. Indakgipa diltugipa burunrangosa mongma dongna namnika.

Mongma balko ra-angani kamko ka-a. Chel-begipa re-anirango aro sikar ka-anirango uko jakkala. Mongma wagamoniko ganani aro bang-a gipin gamchatgipa bosturangko daka.

1. Mandena mikmalbatgipa matburunrangko mingbo. Uarangni gisepo pilakna bate dal-batgipa matburungara mai ?

2. Mongma sundulchi mai mai kamko ka-a ?

3. 'Daknanggijagipa Do-gep Bi-sa' minggipa ki-tapko jak 30 oni jak 37 ona poraikubo.

TE-GATCHU

Golienggipa te-gatchu bolni ja-pango chadenge lessonko skiode nama.

Tegatchu bolni ja-panga kaltapru dake dakgipa bigilchi pindapa. Chonggipa bolni bigil tangseka. Bol

dal-ode ia bigil breta. Unikoa ritchagipa bigil gital ong·katbaa ; ia bigil aro bol dal·beode bretanga.

Bijakrang ro-roa aro uarangko indaken tarie donaha maikai bijak jakantian nanga gita teng·ako man·gen ; bijak aro cheksirang pilakchin bilding bildang dake donga, iani gimin te·gatchuni ja·pango namgipa sala·kimko man·a. Bijakrangko name tarie donani namgni minggipin ian, mikka chi badiaba jaksao ga·akdapode uan bijak jaksao jaksao romtomange bolni rikamoni pilak bijakrangan sokanga. Bijakrangni kosakchini·baragipa pangnan tangseka aro ching·cheta. Ka·machini bak tangsekbreja.

January, February aro March jarango te·gatchu golia. Golia ge·antion bijak jakbonga on·tisa bokgipa kong·tugipa aro ge·bonga adita gitchakgipa papri gnang. Sepal aro pitelrang ge·sani ja·mano ge·sa dake donga. Kniding dakgiparang ge·saoni ge·bongaona batja ; iarangni gisepo ge·sasan chu·sokgipa ong·a. Manchoka ge·antion ge·bonga bonga bitchian gaggipa ra·chakani gnang ; ia bitchikon bijarang salopa. Bibalni jatchio bitchriko ra·chakgipa bikop gnang. Te·gatchu golia dansanan bang·e ong·kata. Bibal meseng meseng dake spaka, aro uarang dingtangmancha rokomsa seenga.

Ga·tong rakjani gimin te·gatchurang ka·machina ding·deronga. Te·gatchuni bikap bigil gita daka. Bikapni ning·o namgipa be·en donga. Ia be·enni ning·o rokomsa stapgipa donga. Stapgipani kosako kilding gita daka.

1. Te·gatchu bibalko sale mesokbo.
2. Te·gatchu biteko ko·rangbo aro sale mesokbo.
3. 'Suurini Rani' minggipa ki·tapko jak 44 oni jak 45 ona poraikubo.

MAT



1. Jak.

2. Ja-a.

Matni rong gipok aro kalsimreng brina. Be-en gimiko gipok aro gisim bringipa ro-rogipa kimil gnang. Uni be-en inch 10 aro ki-me inch 8 mang ro-a. Nom-gipa ritchagipa kimilchi be-en gimikko pindapa ; iachin be-enko uni dal-ana bateba dal-bate nika.

Ki-me be-en gita ong-nasipile ro-a. Ki-meko ro-rogipa

kimilchi pindapa. Ki-meko sko kosako de-doe ja-ani kosako asongode mat nina namen nitobea.

Nachilni kosako tom-daksa kimil gnang, indiba pilak a-songrango indake apsan rokomsasan nachil ong-aija.

Ja-a ge-bri donga. Ki-sangchini ja-a ge-antion ja-si ge-bonga, mikkangchini ja-a ge-antion ja-si ge-bri bri donga. Ja-sirang ritchugrikja, mandeni ja-si gita dingtang dingtang daka. Ja-skilrang ro-roa, ba-a, srama aro gonggua.

Uni chengkna gonggua. Chengkna ge-prakon batali gita jorasa matgipa wagam gnang. Iachin batali gita den-na man-a. Kosakni chengkna ni samtangtangchin chikpinekna wagam ge-bonga bonga aro ka-mani chengkna ni samtangtangchi uandaken ge-bri wagam gnang.

Europe a-songo donggipa matrang nokko ge-gni gni rika, ge-sako ding-karina aro ge-sako sin-karina. Ding-karini nokko cheksi dal-dalgipa ge-gnini gisepo budurang aro bijakrangchi pindapdape taria; sin-karini noka kokkimaon bolkonggrango ong-a.

Mat ding-kario pilakchin re-roroe roa aro sin-kariona cha-aniko chimonga. Iamang sin-karina kenbea. Mat sin-kari gimikkon tuari re-ata; gisep gisep uni chimong-sogiminoniko on-tisa cha-na mikraka, indiba cha-arin tutaiaia.


Mat gue aro angkilrangko cha-a. Mat cha-mitingo ja-ao asonga, aro mikkangchini ja-ani ja-sichi biteko rim-e ka-sne ka-sne wagamchi tine cha-a.

Mat bilchrokna man-bea. Bolni kambe ge-saoni kambe ge-saona foot 13 oni foot 16 ona bilbatdapangna man-a. A-aona bilonmitingo mat ja-ani ja-si ge-bonga aro jakni jaksi ge-bongako gangbrae ka-sne ka-sne bilona. Matgipa gonggugipa ja-skilrangchi bolko puchine mat bolni kosakoña maldoa.

1. Mat maikai bilchroka ?
2. Na-simang bano matko nikaha ?
3. Matni ki-me una mai namgniko daka ?
4. Matko noksa dakbo.

5. 'Daknanggijagipa Do-gep Bi-sa' minggipa ki-tapko
jak 27 oni jak 30 ona poraikubo.

GURE



1. Ja.a.

2. Ja'skep.

Gipok, gisim, kaltapru, gitcak aro indake ma-manti
rongni aro bringipa rongni gurerangko nikna man'a.

Gure matchuna bate dal·bata aro bilakbata. Gureni bimang nitobea. Gureni be·eno chonchongipa rinokgipa kimil gngang. Uni be·en ro·a, bim·ronga ; chel dal·bea, janggil ki·sangchi on·tisa so·onchoka. Iani gimin jang·gilo asongna nambea. Gureni ki·sang namen kimkimbea.

Uni sko ro·a aro ku·sikchina chonanga. Uni gitok ro·a aro gonggea. Gitokrengo ro·rogipa rakgipa kimil gngang. Uko merang minga. Uni ro·gipa gitok a·aoni samsirangko cha·na tiktak nama.

Mikron dal·dala aro uan skoni kosakchibarasa ong·a. Maiba gital bostuko nikode gure to·tro ong·a. Uni gimin gureni mikrono champenganiko donronga.

Nachil chonchona aro sronga. Nachilni ku·chot chona. Gureni knaani bil bilaka. Gingkol ge·gni dal·dalbea. Gureni gingsikani bilba bilakbea. Similgipanichi gure gakatgipako uina man·a aro andalbegipa walo ramako am·e an·tangni nokona re·angna man·a.

Uni ki·me kan·dika aro mila, aro ku·chot chona ; chonchongipa rakgipa kimilchi ki·meko pindapa.

Chengkna ro·bea aro ku·chil dal·bea uni a·sel gure ku·chilko ska gita il·lengatna man·a. Gure ku·chilchi jengko rim·a aro kosakchina salbike jengko ku·sikona chiksote ra·a. Ratani wagam ge·chigni donga, kosakchi ge·dok aro ka·machi ge·dok. Chengkna ge·antion natani wagam gngang. Ratani aro natani wagamrangni gisepo on·tisa bangbanggipa biap gngang. Ua bangbanggipa biapo altuen lagamko patna man·a. Gureko altuen lagamchi bamatna man·a.

Uni ja·a ro·roa aro agre dal·dalja, indiba kimkimbea. Gureni ja·skil matchurangni ja·skep gita chitgni dakja. Indiba jakskilni kokkimaao ro·rogipa a·kol gngang.

Gure ja·skilni rikingo ga·chate re·a. Ja·skilni ka·machi rikingo silgrakni jutako pata. Indaken gure ga·nanggi·jagipa rakgipa a·aoba neng·nikgijan ga·e re·na man·a.

Gure tom·tomgipa kam ka·gipa ong·a aro altuen bamatna man·a. Chonggipa bi·saba mal salenggipa gureni dal·

begipa gariko chalaina man·a. Gure janggilo malko gate ra·na man·a, garirangkoba sala.

Gureni bigilchi chokini pindapani aro jinrangko daka.

1. Mande maina gureko indita namnika ?
2. Gure maikai nokgipani janggiko jokatna man·gen ?
3. Gure aro matchuni be·en bimangrangko tosusabo.
4. Gure aro matchuni cha·anini gisepo mai dingtanga ?

DO·BOK

Gipok, gisim, kaltapru indake dintang dintang rongni do·bokrang bang·jaoba, ma·manti rong bringipa do·bokko ramraman nikna man·a.

Dal·gipa do·bokni bimang chongipa matchu bi·sa gita ong·pila. Salaram jolni bang·a do·bokan dal·gipa matchu bi·sa gita ong·a. Uko Bengali ku·siko Ram Sagol ine minga. Do·bokni be·en gimikon ro·rogipa kimil gngang.

Uni ja·a ge·bri donga. Ja·ani ja·skepko chita. Ja·a ge·antion mikkangchi dal·dal·gipa ja·skep ge·gni aro ki·sangchi chonchongipa ja·te ge·gni gngang.

Do·bokni gitok ro·a maina ua gitokchi cha·aniko am·na nanga. Uni sre ro·a aro altuen jechiba ska gita ua uko il·lengatna man·a. Do·bok srechin jengko salbake ra·e ku·sikchina du·ata.


Kosagipa chengknani mikkango be·en bitin dotsa gngang. Uni samgipinchi ka·machini chengknao ratgipa wagam ge·dok gngang. Chengkna ge·prakon natani wagam ge·dok donga. Mikkangchini ratani wagam aro kosakchini chengknani be·en bitinni gisepo jengrangko done uko wagamchi rate ra·a.

Matchu gitan do·bokniba bimema ge·bri gngang. Do·bokba, matchu aro bolot gita el·bupile chobaia.

Do·bokni grong ge·gni sko bikingkrakoni ong·kata. Grongrang sronga, gonggea aro rokom rokom ong·a.

Grongrang konggranga, indiba ku·chot chonbea ; grongan
do·bokni silchidare ong·a.

Ram Sagolni nachil oldawe, indiba Bengal a·songo



1. Atom. 2. Oprakgimin atom. 3. Ja·a.
4. Ja·skep.

do·bokni nachil sronga. Indiba nachilrang nambea aro
altuen pilakchinan il·lengatna man·a.

Uni ki·me chona aro kimilchi pindapa.

Do·bok sok bilakbegipa ong·a. Matchuna bate do·bokko jilna koros komibata. Iani gimin Sahebrang do·bokko kangalrangni matchu ine minga.

Do·bokni kimilonin posom ba·ra ong·a. Do·bok grongoniko churi aro ma·mantini bipongrangko daka. Do·bok bigilonikoba bang·a bosturangkon daka. Boli on·naba Hindurang do·bokko jakkala.

1. Sok on·gipa gipin gipin jillanirangko mingbo.
2. Uarangni gisepo chonbatgipa jillaniara mai ?
3. Do·bok aro matchuni bimangko tosusabo.
4. Do·bokni bimangko sale mesokbo.

MENGGO

Menggoko schoolona ra·baode nama.

Menggoni be·en ro·a, ram·a aro bang·e chuja. Uni be·eno chatgipa, nanggipa, ching·chetgipa kimil gngang.

Menggo ka·sae mesokako man·ode, ua ki·meko de·krange kusi ong·ako mesoka, indiba kenode ba ka·onangode menggo ta·rake ki·meko il·lengronga.

Uni sko tom·beta aro be·en baksa tosusaoe chona ; gingting dalgapa. Uni ku·sik dal·bea aro ku·sikni ku·angaba apalbea.

Uni wagamrang matbea. Chengkna ge·antini mik·kangchi ge·dok matgipa wagamrang donga. Iani on·tisa kosako, chengkna ge·prakni kosakchi ge·prak petchok·gipa wagam donga. Iarangni kosakoba petchokgipa wagam ge·bri gngangpiti. Menggo chengkna ge·gniko apan kosak ka·ma dakesan il·lengna man·aia.

Menggoni sre ro·bea aro mila, sreni kosakchinibara skakbea. Menggo matchu sokko srake cha·a, mande gita ringja.


Kosakchini ku·chilo ro·robegipa ku·simang gngang. Ku·simangan menggoni nangdike uiani bil ong·a. Badiaba a·kolo skoko sike nion ku·simang aro sko a·ao

do-
prang

o-bok
laka.
Boli

nangdikjaode ua a-kolo uni be-enna biap chakgen ine menggo uina man'a.

Uni mikron tom-beta. Seng-achiko niode menggoni mikronni chonbegipa nonori ge-sa salsreta gita dakanga. Andalao dal-taia aro tom-beta. Gisim dakgipan mikronni nonori ong-a. Salo on-titi bibretkon teng-a napna man'a. Indiba andalao nonori dal-jaode samtangtangchini bosturangko nikna chu-ongge teng-a napna man-ja.



1.

2.

1. Menggoni sko aro ja'a.

2. Achakni sko aro ja'a.

Uni
ang.
de-
ka-

ona ;
sikni

mik-
tisa
hok-
gipa
niko

bara
ande

ang.
ng-a.
a-ac

Uni nachil sronga, apala aro petchoka. Menggo altuen samtangtangchini nachilko seng-atna man'a. Iani giminan menggoni knaani bil ta-raka.

Uni ja-arang jakrangna bate rakbata. Ja-achin menggo altue bilchrokna man'a. Menggo bol gakatna man-bea. Uni jako jaksi ge-bonga donga, indiba ja-o ja-si ge-brisan dongaia. Ja'a jakni kokkimaao be-en

bitin ghang. Jak ge·antion dotsni aro ja·a ge·antion dotbonga be·en bitin ghang. Ua be·en bitinni kosako pangchake re·a ; jakpa ba ja·pao pangchake re·ja. Iani giminan menggoni re·mitingo gam·ja.

Ja·si ge·antion ro·rogipa matgipa ja·skil donga. Menggo ska gita ja·skilrangko bikrokoniko bikotna aro napkotatpilna man·a.

Menggo ka·dongbea. Chongipa menggo mangsa dal·gipa achakko warachaknaba kenja. Uni chakchikani bilba bang·a. Ua ruutana kingking do·o ba meseko rim·na time dongna man·a. Menggo ka·sanninggipaba ong·ja. Meserangko chikemung kal·ake roesa ja·mano so·otsranga. Menggoni ka·sara nokgipana bate nokgipani noknan ong·bata.

Menggo rongtale dongna namnika, an·tangni be·enکو altue moila nangatja. Kimilko chichi sositatja ; pangnan kimilko srechi cha·srake rongtalata.

1. Bi·sarang maina menggoko namnika ?
2. Menggoko menggo burung baksa tosusabo.
3. Menggoni ja·a jakrangko name nibo. Sale mesokbo.
4. 'Daknanggijagipa Do·gep Bi·sa' minggipa ki·tapko jak 53 oni jak 62 ona poraibo.

ACHAK

A·mang gita dakgipa, gipokgipa, gisinggipa, indake ma·manti rongni aro bringgipa rongni achak ghang.

Dal·gipa me·chikrang jatsagipa achakko ja·pingo rim·ronga. Ua achak chonbea. Hound aro Dalkuta minggipa jatrang namen dal·dalbea. Achakni be·en menggoni be·enna bate ro·batbea. Dal·aba dal·bata aro uni ka·bak menggoni ka·bakna bate apalbata.

Achakni be·en gimikan kimilchi pindapa. Mitam achakni kimil kan·dika, mitam achakni kimil ro·roa.

Menggonna bate achakni sko ro·bata. Bull dog aro Mes nirikgipa achakni rokom mikkang on·tisa tom·beta. Bang·bata achakni gingtingan menggoni gingtingna bate ro·bata. Achakni ku·siko ku·chilni kosako chonchonggipa kimilrang gnang, uaranga menggoni ku·simang gita dal·dalja.

Achakni chengkna ro·bea. Chengkna ge·antion matgipa petchokgipa wagam gnang. Wagamrang menggoni wagam gitan ong·a. Chengkna ge·gni kosak aro ka·ma dakesan il·lengaia, matchurangni gita ketchichina il·lengja.

Achakni sre nom·a, rinoka aro pangnan sosia. Ua bang·a salon sreko ote dongna namnika. Srechin achak ding·ola aro srechin achak chiko srake ringa.

Achakni mikron menggoni mikron gita dal·bea ong·ja aro chonbeaba ong·skaja. Uni gimin achak walo menggo gitade namedake nikna man·ja.

Songni achakrang pilakan ong·nasipile nachil sronga ; bang·bata bilati achakrangni nachilan goma.

Menggoni ki·me baksa tosusaode achakni ki·me chonbata. Badiaba badiaba achakrangni ki·meo kan·dikgipa kimil, mitamni ki·meo ro·rogipa kimilchi pindapa. Achak ki·meko il·lengge kusi ong·ako mesoka. Time rim·mitingo ba timmitingo ki·meko songkrae dona, aro kenode ja·achina salkome dona.

Menggoni ja·ana bate achakni ja·a ro·bata aro mangrakbata. Mikkangchini jak ge·antion jaksi ge·bonga, aro ki·sangchini ja·a ge·antion ja·si ge·bri donga. Ja·si ge·antion rakgipa aro on·tisa kom·kugipa ja·skil gnang. Menggoni ja·skilrango gita bikrok dongja, aro menggoni jakskil gita matgipaba ong·ja.

Achak menggo gita ja·sio pangchake re·a. Ja·sini kokkimaο be·en bitin gnang. Jakskilni pindapani griani gimin achak menggo gita gam·atgija re·na man·ja, maina jakskilrang a·ao nangani gimin re·mitingo gam·a.

Achak katna man·bea. Iani gimin burungni matburung, peru aro ma·mantiko sikar ka·na gita Hound minggipa achakrangko jakkala.

Achak uni ta-rakgipa gingsikani bilchi mande, mat-burung aro ma-mantiko am-emung bikotna man-a.

Achak jrona man-bea. Iani gimin mande chio sripode uko saldona Newfoundlandni achakko jakkala. Mitam achakrang namen bimchipa, changa aro chakchikgipa ong-a. Greenlandni Esquimo jat achakrangkon bal-rangko salangna jakkala. Mitam achakrang namen bebegipa aro nitimna changgipa ong-a. Uni gimin nok, jam aro mesrangko nitimna uandakgipa achak-rangko jakkala.

Achak nokgipana ka-sabea. Menggo nokgipani nokko namnikbata, indiba achak nokgipakon namnikbata. Nokgipana janggiko on-chaknaba taria.

1. Menggo aro achakni ja-a jakrangko tosusabo.
2. Achak mai mai kamna cholia ?
3. 'Daknanggijagipa Do-gep Bi-sa' minggipa ki-tapko jak 49 oni jak 53 ona, aro jak 67 oni jak 68 ona poraibo.

KI-CHIL


Ki-chil mangsako classona ra-baode nama.

Ki-chilni be-en bak gitam dake bak daka : sko, ka-bak aro ok. Skoko rakgipa pindapanichi pindapa ; ian kosako agangipa bak gitamoni bak sa ong-a. Mikron brina, chong-motan mikron rongprakan bang-bea chon-chongipa mikronrangni tom-dakasa ong-a. Uni gimin ki-chil skoko an-pilgija pilakchikon nikna man-a. Ku-sikni chengknarang koratni kamko ka-a. Natani ge-gnian sepanggrika.

Bijatchigipan ki-chilni ka-bak ong-a ; ka-bakni kosako grang jora gni donga. Jorasa jorasani kosako ong-a ; kosakni jora rakbea, ua ka-mani jorani pindapani gita ong-a. Ka-mani jora nom-a aro uan grangni kam chong-motko daka ; iachin ki-chil bilna man-a. Ki-chil

uko tom'e kosakgipa jorani ka·mao dona, bilna nangode uko badala.

Ja·a ge·dok donga. Ja·arang ka·bakni kokkimao ong·a. Samprakchin ja·a ge·gitam gitam donga. Ja·a ge·antin dingtang dingtang bak bakgitam donga, chong·motan ja·ping, ja·pate aro ja·a. Ja·ping rakbea. Ja·a ge·antini ku·chotan petchoka.



1.

2.

1. Ki·chilni kosakchipak. 2. Ki·chilni kamachipak.

Ki·chilni ka·sop dongja. Be·enni bigilni adita a·kol·rangchi rang·sita.

Ki·chilni an·chi ka·sina; mande aro matchurangni an·chi gita ong·ja.

Ki·chil a·a ma·ketgijagipao chonchone gipoke bitchiko chi·a. Adita salrangni ja·mano bitchirang pe·e chon·chongipa jo·ongrang ong·kata. Jo·ongrang ong·katarion cha·na a·bachenga aro chonchonoba inditan cha·a je

uko nikode aiao inmanani ong·a aro bang·en chang gilsrea.

Uni ja·mano a·a ning·o neng·takna re·anga, aro adita sal a·ani ning·o il·lenggija donge ki·chil pil·a. Unon sko aro korat dakgipachi a·ako jitpake a·palona ong·katbaa.

1. Jo·ong aro guang baksa ki·chilko tosusabo.
2. Ki·chilko noksa dakbo.
3. 'Daknanggijagipa Do·gep Bi·sa' minggipa ki·tapko jak 66 oni jak 67 ona poraibo.

GUANG

School noko donggipa guang aro uni sringako niode nama.

Guangni rong gisima, tangsim ba tangsekmrang ong·a. Guangni be·eno mongsongde bak gni gnang. Uni gitok gri ku·simang gnang. Be·en gimikan ong·nasipile kimilchi pindapa, jakchi dangtapode rinoke nika.

Be·enni bak sao sko aro ka·bak donga. Iano ja·a gnang. Bak gipino kilding rikani kol donga.

Jora saoni jora dokona kingking quangni mikronrang gnang. Mikronrang, mikkangchi kosako riting gni dake donga. Mikronrang simgipa kalichi chonchone su·tottota gita daka.

Ku·simang aro chengkna skoni mikkangchi jakra jakasichi il·lenga, kosak ka·ma dake il·lengja. Iarangni ku·choto matgipa jakskilrang gnang.


Ja·a ge·chet donga; jo·ongni jat gita ge·dok ong·ja; ja·arang ro·roa; ku·choto matgipa jakskil gnang. Ja·a ge·antion biritchu ge·sni gnang. Ja·an quangni sil·chidare gita, ja·ani dakchakanichin guang cha·ani jo·ongrangko rim·a.

Be·en mongsongde bak gni ine skangan aganmanaha. Skanggipa bak sko, ka·bak aro ja·a. Ki·sangchini bako bimema, kilding rikani bostu, aro rang·sitani ro·rogipa

a·kol donga. Kilding rikani bostuko spinnarett ine minga.

Guangni kilding jako stap stap daka aro ian namen chonbea aro ma·skape raka. Kildingrangko balwa balpakon ki·sangchini ja·achi kildingko saka.

Jo·ong ba guk guangni sringao nangode sringani stapao ma·gapa.



1. Guangni sringa.

2. Spinnarett.

3. Dal·atgimin ja·a ge·sa.

Guang sringani jatchio donge jo·ongrangni nangako sengtima. Maiba jo·ong cheko nangarion guang chaange uona re·anga aro rang·san uko so·ote cha·a, ong·jaoba ja·mano cha·na uko kildingni dokrao wenstipe dona. Guang jegrikna namnikbegipa ong·a; guang manggni·mangmangba ruute damsan dongna man·ja.

Guang bitchioni pe·e ong·kata. Damsanon bitchi bang·e chi·a; bitchirang ge·sa dalgepgipa bokgipa dokra dakgipao donga.

1. Guangni be·enni dingtang dingtang bakrangko mingbo.
2. Guangni ja·a badita gnang ?
3. Guangko salbo.
4. Uni mikronko salbo.
5. 'Rikki Tikki' minggipa ki·tapko jak 64 oni jak 65 ona poraikubo.

CHIBRIM

Na·simang chibrimni riting riting dake malako niktok·aha. Chibrimrang baoni bachina malangengachim ?

Chibrim gitchakrang chong·motan gitcharanga a·ani ning·o, bol konggrango ba bijakrango bitip dakronga, chibrim gisim ba atchingara a·ani ning·o ba a·kolo donga. Chibrim gipok ba a·kin minggipara a·ani ning·o donga. Iarang nokni pakmako nokning·ona kingkingan gakata aro ramao jegitaba rakgipa bol ong·ja maina uko tine gala.


Chibrimni be·en bak gitam dake daka ; chong·motan sko, ka·bak aro ok. Skoo mikron, nangdikako uiani be·en, chengkna aro ku·sik donga. Chibrimni mikron gipin gipin matburunrangni mikrononi dingtang ong·a. Mikronko channa ampilja, chonchongipa mikron jinma tom·dake donga. Indakgipa mikronko bringipa mikron ine mingna man·a. Iani giminan chibrim skoko il·leng·jaoba samtangtangchini bostuko nikna man·a.

Skoni samgnichin nangdike uiani be·en ge·gni gnang. Iachin chibrim gam·ako knana man·a. Ia ge·gni gimaode bang·bata jo·ongan dikdiksani gisepon sianga. Chibrimni korat ge·gni gnang. Iachin chibrim chikronga.


Ja·a aro grang ka·bako nangdima, grangrang kosako, ja·a ka·mao, chibrimrang gimikan grang dongjade ong·ja.

Iarangni grang donga, uarangni grang dongjahaode uarang ruute tangja.

A·kin grang chaode uarang a·koloni ong·kate salgichina bildo, indiba adita bildoarin a·aona ga·ake bang·an sia. Chibrimni ja·a ge·dok, samprakchi ge·gitam. Ja·a



2.



1. Chibrimni bimang.

2. Sko.

ge·antion ge·gitam dingtang dingtang bak donga, chong·motan ro·gipa ja·ping, ja·sku aro ja·a. Ja·a ge·antion ja·skil gnan. Ua ja·skilni dakchakachin chibrim bolo maldona man·a.

Oko chonchongipa bak bak chikung gnan.

Chibrim be-en aro ma·manti me·su samjakrangko cha·a. Chibrim namen bimchipbegipa ong·a. Badiaba chibrim nambegipa dongchakaniko daka. Uarang cha·aniko chimongna nokko rika. Bi·sako alduna ma·manti kamo pangnan jakchakgija ong·e donga.

Chibrimrangni gisepo rokomsa jo·ong gngang. Uarangko chibrimni matchu ine inode inna man·a. Maina uarang dut gita dakgipa rokomsa bostuko chibrimrangna on·a. Chibrimrang mikkangchi jakkalna cha·aniko chimonge donsoa.

1. Me·pilip jo·ong baksa chibrimko tosusabo.
2. Chibrimko noksa dakbo.
3. 'Daknanggijagipa Do·gep Bi·sa' minggipa ki·tapko jak 65 ko poraibo.

ME·PILIP JO·ONG

Bi·sarang school noko me·pilip jo·ongko jile ka·sne ka·sne uni dal·baan baksa dingtang dingtang obostarangko nichina.

Ma·manti bringipa rongni jo·ongrangko nikna man·a. Jo·ongni be·eno ching·gipa sala aro chin donga. Je rongni samsi aro bijako jo·ong donga uni be·enni rong ua gitan adita ong·anga. Ian uni janggiko rakina dakchakani chol ong·a. Maina jo·ongni bobilrang ua samsini ning·o jo·ongko altue nikna man·ja, maina ua rong samsini rong baksa apsan ong·a.

Jo·ong jaksi node gita ro·rongrong daka, ge·sa noli gita ong·anga. Indiba ro·a jaksi nodena bate batna ba kominaba donga.


Mitam jo·ongni jatni be·eno kimil gngang; mitam jatni be·eno kimil gri. Jo·ongni be·en dingtang dingtang tong dake bak daka.

Ja·a chong·mot mikkangchi jora gitam gngang. Ki·sangchi ja·a gita dakgipa be·en bitin gngang. Ki·sangchini

ja·a balko ra·chaka. Skang agangipa ja·a ge·dok jo·ongni
jat chong·motni ja·a ge·dok gitan daka.

Mikron jora dok gnanng, jean samprakchi jora gitam
gitam ong·a.

Ku·siko rakgipa chengknanrang korat gita donga,
il·lengani kosak ka·ma dake ong·ja, chong·motan cha·



1. Me·pilip jo·ong.

2. Jo·ong gilsree me·pilip ong·kata.

3. Dokrani ning·o tusia.

mitingo chengkna ge·gni changsa kosakchi aro changsa
ka·machi dake dakja. Natgrika gita dakesa il·lenga.

Rang·sitani noli jora chi·gitam, be·enni pilak bakon
joraprak donga. Tangsekgipa bijakan jo·ongni mong·
songgipa cha·ani ong·a. Jo·ong cha·na nalbea.

Bijak jaksao bitchi chi·ani on·tisa ja·manon me·pilip
ma·gipa sianga. Bitchi pe·emung bi·sa ong·katon uarang

skang bitchini bikrokrangko cha·a. Uni ja·mano sket bakket gong·rakbee dondikgija bijakko cha·a. Ua bang·a changrangna kingking gilsree jo·ong pil·anga. Jo·ongba dondikgijan cha·e dal·anga. Ja·man ki·tiko sal sao cha·aniko dondika.

Uni ja·mano jo·ong bijakko wate bolni ja·pang, cheksi ba guareo ma·baka aro an·tangni be·enni samtangtang·chin dokrako dake uni ning·o ding·kario anti gni anti gitam aro sin·kario una bateba tusia. Ia somoeni gisepo jo·ong bon·kame gilsrea. Indiba da·anpakode jo·ong ong·jaha, me·pilip ong·srange ong·kata.

Me·pilip gital aditan bilgri ong·a. Konta samangna skoko ka·machi songchoke dingdea aro grangrangko balwa balpaka. Uni ja·mano bibalrangona bilroroe roa aro bitchi chi·a. Ia bitchioni me·pilip jo·ong ong·a.

1. Na·simang basakoba me·pilipko ki·sang ki·sang rikahama ?
2. Me·pilipni grangko rim·ode jaksio mai nanga ?
3. Jo·ongni ja·a jakrangko aganbo.
4. 'Suurini Rani' minggipa ki·tapni jak 57 ko poraibo.

MONGNAL,

Mongnal bibal bang·en pokkri aro chibolko nitobatata. Bang·a chibolrangon mongnalrangni balako nikna man·gen. Bijakrang dal·dalbea, dawilsrangnasia aro chini kosako balboa. Chel·aoni pokkriko niatode pul aro bijakraran badale dongenga gita nika.

Mongnalni ja·pang chini ning·o a·dubeko ja·dil ro·robee su·a. Ua pilak ja·dil aro bijakan ja·pangko chini jatchio tik ka·e rakatgipa ong·a. Chipakkore uni ja·pangko balboangna man·ja.

Bijak aro bibalni ga·tong ro·bea, dal·a, noli gita daka aro chian gapa. Ia ga·tongni ning·ko bijakona soke

chi gakata. Bijak chini kosakona sokjana kingking
ga-tong kosakchina ro-roa. Indiba bijakrang chini
kosakona naahaon ga-tong ro-jaha aro bijakrang ka-sne
ka-sne badaloroanga. Chining-o bijakrang remreme
donga.



Bibalrang dal-dala aro nitobea, uano gipok, gitcak,
aro gitcakmrang, bang-en rokom gnan. Bibalni bijak
jak brini kokkimaoadita tangsekgipa bijakrang chining-o
manchokako rakia.

Bibalni bijakko dongduulgipa bijakrangni janggilchini rong bibalni bijakni rong gita ong-nasia. Bibalni tiktak jatchio ching-gipa chonchonggipa kniding dakgiparang aro uarangni kosako bismak gngang. Kniding dakgipa bibalni bijak aro duulgipa bijakrangni kokkimao bitchilni bikrok gngang.

Sal naarion bibalrang bala. Atamahaon bibalni bijakrang chipanga, iachin bitchilo aro bismako ka-sina nangemung bibalrang gimana man-ja. Bitchilrang china bate jrima. Uni gimin bitchri bikrokoni go-oke ga-akode chiningchi sripanga. Aro chiningo a-dubeko ua bitchri-onin chapilbataia.

1. Tegatchu bijak aro mongnalni bijakko tosusabo.
2. A-steko ra-e mongnalko dakbo.
3. Mongnalni bijak aro bibal maikai dal-roroa ?
4. Na-simang maina bibalrangko namnika ?
5. 'Suurini Rani' minggipa ki-tapko jak 37 oni jak 43 ona poraikubo.

LEBU

Lebu bol sepango dongode uko name nibo. Lebuni bite, cheksi aro bibalko classona ra-baode nama.

Lebu minode, lebuni rong aro bijakni tangsekgipa rong brinani gimin bari namen nitobea. Lebuni bario, lebuni bolsan dongaia indake ong-ja ; gue, te-brong aro ma-manti bolrangba bang-a. Uarang lebu bolrangna bate chubatbea.

Badiaba badiabani ja-pango bu-su donga. Tegatchuni bijak gita lebuni bijakba pangan tangseke aro ching-e donga. Bijak jakrurongode rokomsa similgipa bisak ong-kata. Bijakni ga-tongo rokomsa similgipa toni bikop gngang. Lebu bijakni bimang aro bipang narang bijakni bimang aro bipang gita ong-a.

Bibal ge-antion bijak jakbonga aro bang-en kniding dakgiparang gngang. Bibaloba bijako gitan simila gngang.

Lebuni rong nitobea. Uni bimang tom·betsrangnasia, indiba samtangtangchi daapa. Bigil ritcharonga, bigilni kosako simalgipa toni bisak bang·en gngang. Bigil gitangengani su·ua braoa aro ka·a. Lebu rongantion adita dal·dale sria srichikung dake donga. Srian tion chi·gipa aro mesenggipa bitchian gaggipa chonchongipa birim gngang.

Bitchiloni lebu chaa. December aro January jao bitchilko ge·e, bol bi·sarangko May aro June jao gipin biapo ge·jitna nanga. Unikoa bilsu gni bilsu gitamni ja·mano uarangko kimkim dake badiaba bario ge·na nanga. Lebuko November jaoni man·na ama. March jani ja·mano lebuko bang·e nikna man·jaha.

1. Sin·karini dingtang dingtang biterangko mingbo.
2. Lebu bite ko·rangko noksa dakbo.
3. Lebu bijakko sale mesokbo.
4. Bibalni bijak basik jak gngang? Bibalko sale mesokbo.

BAK II


KOI NA·TOK

Koi na·tokni rong a·mang gita daka, tangseka; okchibara tangsimbatanga. Mitam na·tokni samtangtangchi ku·siko groe ge·prak ku·simang gngang.

Mik sani adhana bate ro·gipana agre koi na·tokko nikrongbreja. Be·en gimikan bisingkapchin pindapa. Koi na·tokni bisingkap hilsa na·tokni bisingkapna bateba chonbata. Itni pilengrangko jedake nokkingo ge·sani kosako ge·sako gata, uandaken koi na·tokni bisingkaprangba daka. Ki·mechini skochina bisingkaprangko kikode altuen go·oka. Indiba bikpile, chong·motan skochini ki·mechina kikode altue go·okja.

Gangching aro ki-me na-tokni jroani mongsonggiparang ong-a. Ba-gipa bigilchi nangdingipa adita bu-surangan gangching ong-a.

Koini janggil kentrini bu-surang skoni sambaoni ki-meona kingking ong-a, indiba ki-meko nangdikesrangja. Ia janggil kentrini bu-suko bak gni dake dakna man-a. Mikkangchini bako rakgipa, matgipa bu-su



1. Koi na-tokni bimang.

2. Sko.

gnang, ki-sangchini bako rakgipa bu-su gri, indiba uan mikkangchinigipana bate chubata.

Pekuareni sambao samtangtangchin gangching geprak gnang. Uarango rakgipa bu-su gri.

Oko gangching ge-gitam gnang, jorasagipa mikkangchi apsan biapmangonin ong-kata. Gitamgipa uarangoni ki-memangona soka, indiba ki-meko nangdikesrangja.

Ia
ni g
non
M
tang
dom
aps
N
mor
chih
chin
tom
jaoc
C
ku-
dak
pek
balv
C
ama
1
2
3
L
bolg
E
Ka
chin
aro
che
gisi
elis

Ia pilak gangchingrango bu·su gnan. Indiba janggilni gangching gita gitangipa gangchingni ki·mechini bak nom·a.

Mikron dal·dala, mikron birongni samtangtangchi tangsekgipa dak gnan. Ginkolrang mikronni sambao donga. Ning·o pekuarerang bang·a. Pekuareni riking apsan ong·ja, korat gita wagam daka aro mata.

Na·tokrang gangchingchi jroa. Uarangni gisepo ki·me mongsonggipa ong·a. Jromitingo ki·mechi pil·nipil chiko doka, indiba gangchingni dakchakachi mangsongachina re·na man·a. Gangchingrang na·tokko chio tom·tom dongna dakchaka. Ua gangchingrang dongjaode na·tok chio romtomaigenchim.

Chio pangnan na·tokrangni ku·sik ku·angako aro ku·kipako nikna man·a. Uarang iachin rang·sitaniko dakenga. Ku·angode ku·siko chi napa aro ku·kipode pekuareni ning·ko chi jokanga. Pekuarechi chioniko balwako salope ra·a.

Chibol, pokkri aro warini chio koi na·tokko man·na ama. Chibimao koi na·tok dongja.

1. Koi na·tok maidake jroa ?
2. Na·tokrang maikai rang·sita ?
3. Koi na·tokko sale mesokbo.

ELISA NA·TOK


Lessonko a·bachengna skang blackboardo na·tokni bolgroni noksako dake donode namgen.

Elisa na·tokni janggil kosakko chel·aoni gisime nika. Ka·machini tong·sa bak salni teng·sua nangode ching·chet ching·chet daka. Be·en gimikon on·tisa sona gita daka aro tangsekgipa dak donga; uaranga ching·chet ching·chet daka. Janggilni nageng aro ki·meni riking on·tisa gisima, gipin gangchingrang gipoka. Rong aro bimango elisa na·tok pilakna bate nitobatgipa ine channa man·a.

Elisa na·tokni samtangtangchin chongipa gojal gita daka, iani gimin chiko chilprete jrona una altuani ong·a. Elisa na·tokni be·eno jak dangtapode rimila, suuri chika aro jako na·giting seenga. Ka·bakchi ritingsa chonchongipa matgipa bu·su gngang. Bu·surangni ku·chot ki·mechi gonga. Uni gimin skooni ki·mechina jako salmrakode saknaako man·ja, indiba bikpile salmrakode jak mata.

Sko ku·chotni adita bakna agre be·en gimikan bisingkapchin pindapa. Sko ku·chotchini mitam bak adita grigkipa bigilchi pindapa. Bisingkaprang dalgepa aro raka. Itni pil·engrangko nokkingo jedake dona bisingkaprangkoba uandaken nika.

Skochini ki·mechina salode bisingkap altue go·okja,



Bolgro.

indiba ki·meoni skochina bikpile salode altuen bisingkapko galna man·a.

Gangchingko ba·gipa bigil gita dakgipa bostuchi nangrimata; adita bu·surangni nangdiman gangching ong·a. Na·tok gangchingrangko badalna aro chipe donna man·a. Elisa na·tokni janggilo gangching ge·sasan dongaia.

Pekuareni on·tisa chel·ao samtangtangchin gangching ge·prak donga. Ia gangchingni kosako aro ka·mao bigilni gangching ge·gnisan dongaia. Ka·bako samprakchi gangching ge·prak gngang. Ki·mean pilakna bate dalbatgipa gangching ong·a. Iani bu·surang dalgepa aro bigil gita dakgipa bu·suchi nangdima. Niaiode pilakoba

biritchu gri gita nika. Gipin gipin gangching gita ki-meko tom'e donna man-ja. Ki-meni rikingo ba-begipa chonchonbegipa bigilni tong-rang gnang. Ki-meni bisingkap be-enni bisingkapna bate chonbata. Ki-meni bimangba gipin gipin gangchingrangni bimangoni ding-tanga, iani jatchio den-a gnang.

Uni sko noksik damgitam daka. Uni gingkol kosak-chini ku-chilni ku-choto donga. Gingsikani bilchi na-tok donnugimin cha-aniko bikotna man-a.

Mikronrang dal-dala; mikron pangnan oe donga.

Kosakchini ku-chilni samgnichi ba-gipa grengni bisingkap ge-gni ong-katemung ka-machini ku-chilko pindapa. Ku-chil ge-gni nangdingrikanga. Cha-mitingo ka-machini chengknasan il-lengai. Wagamrang chonchona, wagamrangni ku-chot ning-china gonggua, na-tokni greng ba-bea, bolgro altuen gonggea, maina uan chonchonbegipa adita grengrangni tom-dakasan ong-ai.

Chini ning-o na-tokrangko pangnan ku-sik ku-angako aro chipako nikna man-a. Ian uarangni rang-sitani chin ong-a. Ku-sikni ning-o chi gape pekuareni bibretko ong-kata. Damako batangmitingo dama chioniko balwako chi-pe ra-rika.

Gangchingrangan jroani kol ong-a. Ki-mean uarangni gisepo pilakna bate mongsongbatgipa ong-a. Ki-mechi chiko doktape gangchingni dakchakachi ska gita an-pile jroa.

Gangchingrangchi na-tok an-tangni be-enko nanga biapo tom-tom donna man-a. Jromitingo uarangko chopjole dona. Uarang dongjaode na-tokrang chio romtomaigenchin.

Elisa mongsongde sagalni na-tok ong-a. Bitchi chi-mitingo dal-dalgipa chibimarangona re-baa.

1. Na-simang badia na-tokko namnikbata ?

2. Elisa na-tok aro koi na-tokko tosusabo.

NA·SENCHI

Lessonko a·bachengna skang na·sENCHINI skoni noksako blackboardo dake donode namgen.

Na·sENCHINI rong on·tisa a·mang daka. Indiba dal·gipa na·tokrangko gisime nikronga. Badiaba badiaba na·tokrangko adita tangsekgipa ro·rogipa sala gnang. Na·tok bi·sarang on·tisa gitcaka. Jedaka chio donga, ua chion uarangni rong bang·en pangchaka aro bilsini kri uni rong dingtang dingtang ong·anga.

Uni bimang ro·a aro dalgepa; jatchio dal·a, sko aro ki·mechini jatchionin ka·sne ka·sne chonchokanga. Uni bisingkap dongja aro be·en rimilbea.

Uni sko dalgepa. Skoni kosako chonbegipa a·kol ge·sa gnang. Uni gro aro gipeng apsan. Sakmrengipa kni gita uni ku·simang daka. Kosakchini ku·chilo dinggni aro ka·machini ku·chilo dingbri donga. Ku·chil ge·gnini nangdimramo dinggni donga. Gingkolrang kosakni ku·simangni sepango ong·a. Mikron ronggni chonchona aro sima.

Janggilni kosako kentri ge·sa gnang. Ka·bako gang·ching ge·gni gnang. Ia ge·gnini sepangonin aroba gangching a·bachenge ki·meona kingking sokanga. Mikkangchi gangching ge·gni gnang, samprakchi ge·prak; ia gangchingrangni sepangon ge·prak dal·dal·gipa bu·su gnang. Ia bu·suni bu·ara bisi gnang aro uni gimin namen saba. Ki·meni gangching tom·beta, uno rakgipa bu·su gri.

Chini ning·o pangnan na·tokrangko chiko ringenga gita nika, beben uarang rang·sitenga. Ku·sikni ning·o chi nape pekuareni gisepko chi jokangskaa. Dama dagkipa chioniko balwako chi pe ra·rika.


Gangchingrangan jroani kol ong·a, uarangni ki·mean mongsonggipa ong·a; ki·mechi chiko doke gangchingni dakchakachi jechina re·na ska uchi mikkangate jroa. Bangki gangchingrangchi na·tok an·tangni be·enko nanggipa biapo tom·tom donna man·a; jromitingo gang-

chingrangko badale dona. Iarang dongjaode na·tok chio
romtomaigenchim.

Wari, pokkri, chibol aro ma·manti biapo na·senchiko
man·na ama.

1. Bu·suchi gogipa na·tokrangko mingbo.
2. Bisingskap donggijagipa na·tokrangko mingbo.
3. A·steko ra·e na·senchini bimangko dakbo.
4. Koi na·tok aro na·senchiko tosusabo.
5. 'Rikki Tikki' minggipa ki·tapko jak 47 oni jak
49 ona poraibo.

ANG-KE



1. Ang·keni bimang. 2. Samsani ja·arang aro grong.

Na·simang pilakan ang·keni dongramko niktokaha.
Ua mai dakgipa biapo dongna namnikbata ?

Ja·arangko be·en baksa tom·e donode ang·keko tom·betgipa piala gita nika. Uni rakgipa pindapaniko bikrok minga. Uni bolgro donga. Bikrokara adita dingtang dingtang tong·rangni chimonggimin ong·a. Ia tong·rangko ge·sa ge·gipin baksa nangdingrikata. Chong·diksa gipin chong·dik baksa ma·gape chu·soke dal·jana kingking ang·ke bilsiantin gilsrea. Bikrokni ning·o mamung greng dongja.

Uni ja·a ge·chet; samtangtangchi ge·bri bri gnan. Ja·arangna agreba ang·keni dal·dal·gipa grongrang gnan. Grongrang ja·arangna bate dal·dal·bata. Grongrango rakgipa, matgipa wagam gnan. Ja·a aro grongrang chonchone bak daka. Ia bakrangko bigilchi nangdingrikata. Ja·a aro grongrang sko baksa apsan ong·a. Ang·ke grongchi dakgrika, cha·ani bostuko tong·tang tong·tang dakata aro chipakkore satode ka·machi a·ao rim·e chaka.

Mikron ronggnia gisima, bikroko rakja, ga·gong ge·gnini kosakosa donga.

Dangtape uiani be·en ge·gni chonchonbegipaba ang·keo donga. Uni ku·sik ka·machi ka·bakosa ong·a. Sko aro ok sepangrikbea.

Ang·ke malame re·a aro mikkangchi re·na man·oba ketchiesa re·na man·bata. Ang·ke chio napnaba man·a. Ang·ke chibimao, pokkrini chio aro sagalni kari nanggipa chioba donga. Chini sambao a·a be·ao ba sagalni rikamo channa ampilgija chonchonggipa ang·kerang chonchone a·kolrangko bite donga. Ang·kerang chi pokpekan baksa kal·grikna namnikbea. Seng·baon aro chipakkorerang sepangona sokbaon ang·kerang a·kol ning·chi nape kata. Chipakkore badeangon ong·kattaia. Ang·kerangko iim·na altua ongja, maina on·tisa uisoahaon uarang a·kol ning·china nape kata.

1. Bikrok gnanggipa, chio donggipa janggi gnanggip·arangni bimungrangko mingbo.

2. Gapchilek baksa ang·keko tosusabo.

3. Na·tok baksa ang·keko tosusabo.

4. 'Daknanggijagipa Do·gep Bi·sa' minggipa kitapko jak 40 oni jak 48 ona poraibo.

PERU

Na·simang walo peruni mikoako knarongama ? Peru salo ong·katja, walosa ong·katronga. Maina, na·a uiama ? Uan achak gita dakanga aro ua gitan dal·a.

Uni rong rongtalja aro on·tisa rimitanga. Uni ku·sikni bimang achakni gita dakanga. Chengkna ro·bea, aro chengknao bil bang·bea. Mikkangchini wagamrangni ku·chot chonchona. Uni nachil noksik damgitam daka, kosakchi tom·beta.

Uni ki·me ro·rogipa kimilrangchi pindapa aro nitobea. Uni ja·a ge·bri ong·a. Be·en baksa tosusaode ro·roa aro on·tisa gonggea. Uni gimin bakbak katna man·a. Peru jakni jakskillko ning·china salnapna man·ja.

Bang·a peruan dol dake sikar ka·a. Uarangni rikgipa matburunrang neng·e katna amjahaode perurang dam·san uko chikna a·bachenga.

Peru namen chalak aro mikrakbegipa ong·a, indiba katninga. Aro gisep gisep indaken cha·ua je, perurangni ka·donga aro changako uachin uina man·a. Achakni bang·en namgipa gunrang gnang indiba peruni uandakgipa gun dongja, batesa uno bang·en namgijani gisik gnang.

Peruni miko a knatobea. Pangnan peru mangsa mikochengronga. Unikoa dolni gipinrang mikona a·bachenga.

Peru mongsongde be·en, janggi gnanggiparangni mang·gisi ba chonchongipa matburunrang aro do·orangko chike cha·a. Peru basakoba basakoba mi song·ram noko nape mi bijakrangko cha·e kata.

1. Walo rogipa matburunrangko mingbo.

2. Manderang maina achakko namnike, perurangko namnikja ?

3. Peru maikai altuen be-enko chitna man'a ?
4. 'Rikki Tikki' minggipa ki-tapko jak 52 oni jak 56 ona poraibo.

MESE

Meseni rong kaltapru daka, gisim ong-nasia. Mitam meseni rong gipoka. Rong moila ong-ani gimin mese walo kenchakmangija re-roroe roa. Meseni ki-me ro-bea. Be-eno kan-dikgipa kimilrang gnan.

Mikronrang dal-dala, ching-a aro tom-betgipa oitchrirang gita ong-a.

Nachilrang dal-dala aro sronga. Mikron aro nachilko nie mese pangnan mikrakbee donga ine chanchina man'a.

Meseni chonchongipa ja-a ge-bri, ja-sambrigipa matburunrangni gisepe mese mangsa chonbegipa janggi gnanngipa ong-a. Jak samprakon jaksi ge-bri, aro ja-si ge-antion ja-skilrang gnan.


Uni be-en baksa ki-meko tosusaode uan ro-bea; ki-meni ku-chotchi chonroroanga. Ki-meo kimil dongja gitan ong-a. Ki-meo nangdike uiani bil gnan.

Meseni kosakgipa chengknao aro ka-magipa chengknao wagam ge-gni gni gnan. Ia wagamrang batali gita matsrama. Iachin mese rakbegipa bosturangko tinsotna man'a.

Meseni ku-siko ku-simang gnan. Ia ku-simango nangdike uiani bil gnan.

Songjinmani meserang a-ani kokkimao a-kolo, nokni nokkingo ba song-ram noko donga. Iarang ruti, mi, minbregijagipa bite aro bijak ma-mantikong cha-a. Manderang je pilak namnama bosturangko cha-a uarangba uarangni bakko man-paa. Indiba iarang pangnan janggitangtangna kene donga. Maina uarangko rim-na pilak nokrangon ong-nasipile ja-gako sae dona aro menggoko jila.

Indiba gitimni mese bakrani a-kolo donga. Uarang
a-bani mirangko cha-a. Songjinmani meserang gita



1. Meseni bimang.

2. Ja-a.

iarang cha-aniko man-ja. Iarangni bewal aro cha-
anirang namen ramram ong-a, indiba songjinmani mese
gita iarang pangnan janggitangtangna kene dongna
nangja.

1. Mese aro menggo burungko tosusabo.

2. 'Daknanggijagipa Do-gep Bi-sa' minggipa ki-tapko
jak 62 oni jak 64 ona poraibo.


CHIPU

*Ia lessonko ra-na skangan noksarangko blackboardo
sale donode namgen.*

Chipuni be-eno rokom rokom nitogipa ching-gipa rong
ngang. Bang-bata chipuni ka-bakan rimitnangnang
dake bokgipa rong ong-a.

Chipuni be-en ro-a; ja-a jakrang gri aro samsachi chonbea. Mitam chipurang pencilna bateba chona, aroba mitam chipurang mik sa bateba dal-a. Chipu mik saoni mik chi-sni ba chi-chetona kingking ro-ronga.

Chipuni ja-a, gangching ba jakrang gri.



Chipuni be-en bisingkapchin pindapa. Ge-prak bisingkapni mitam bak gipin bisingkapni kosako gnan. Bisingkaprang ki-mechinipak bangbang donga. Kamachini, chong-motan ka-bakni bisingkaprang dal-dala, aro jakstem gita daka. Chipu gisep gisep gilsrea.

Chipuni grengo guasuni greng aro bolgrona agre mungba dongja. Bati ge-sao chongipa bolko ge-sa donode bolko jedake pilakchin wilwilna man-a, guasuni grengrangni samsachiba uandaken bolgroni grengni ning-o wilwilna man-a.

Wagamrang chonchona, matsrama aro wagamni ku-chot ku-sik ning-china kom-a. Kosakchini chengknao wagam ge-gnini tu-gipa a-kolrango bisi donga. Uarangkon bisini wagam ine minga. Chipu suon bisi a-koloni matram biapo napea.

Sre ku-chot chitgni daka. Sreo bisi gnan ine mandarang guale chanchia. Sreo bisi dongja.

Skoni mikkangchinipak noksik dangitam daka. Skoni grengrang robol gita staggipa ong-a, bigilchi nangdimata. Iani giminan ku-angode dal-bea.

Mitam chipurang gitokrangko badalna man'a. Chipurang panganan gitokrangko badale donja. Ka'onangode gitokko badale suna chaa.

Guasuni greng aro bisingkaprangan chipuni ja'ani kamko ka'a. Guasuni grengrang bisingkaprangko mikkangchina jitpakata, chipu bisingkapni rikingrangko badiaba ga'anggijagipa biapo done be'enni bangki bakko mikkangchina salanga.

Indaken ja'a jak grigipa ong'eba chipu bolo maldona, jrona ba katna mamungba neng'ani ong'ja.

Bitchirang boka aro paroani bitchi gita dal-dala.

Chipu a'ani ning'o, a'kolo, bol konggrangrango ba rong'kolrango donga.

1. Blackboardo lessonni mongsongbatgiparangni mingantikon seenba, bi-sarangko nipilattaibo. (1) Bimang (2) Be'enni ro'a (3) Ja'a jakrang (4) Re'ani (5) Dongram.

2. 'Rikki Tikki' minggipa ki'tapko jak 41 oni jak 43 ona poraibo.

BENG·BLOK

Tangenggipa beng·blok mangsa aro chi gapgipa glasso donggipa al'aringko classona ra'baode nama.

A'ani kosako beng·blok bilchroke rorongga. Chio beng·blokrang ja'achi jroronga.

Beng·blokni sko dal'bea aro apala; noksik damgitam gita ong'nasia. Sko pakkreni kosako donga. Beng·blokni gitok dongja. Mikron ronggni skoni kosako donga aro dal'begipa chosoma gita daka. Beng·blokni nikani bil ta-rakbea.

Uni bigil rokom rokom rongni ong'a, ramramde kaltapru aro gitchak daka. Bigilko jakchi rim'ode ka'sina aro rimilnika. Bigilo a'kol bang'a.


Uni ku'sik apala, kosakchini chengknao ro'robegipa ritingsa bu'su gita dakgipa wagam gnang. Wagamrang

chipu aro na·tokni wagam gita ning·china gomgupila.
Ka·machini chengknao wagam gri.

Bang·a janggi gnanggiparangni sre gita beng·blokni
sreni ja·ta, ku·siko gitokchibara donga ong·ja. Beng·
blokni sreni ja·tani mikkangchinipak gisima aro ku·chot
gitokni ning·chipak donga.

Beng·blokni ja·a ge·bri donga. Uarang ro·batkala
aro raka. Ja·ao ja·si ge·bonga bonga donga. Ja·sirang
bigilchi nangdingrika. Jako jaksi ge·bri bri gnan.
Jaksirang nangdingrikja.

Beng·blokni an·chi ka·sina. Sin·kario beng·blokko



bang·gijasan nikna man·a, indiba wachikario bang·bea
beng·blokrangko nikna man·a. Wachi a·bachengmit-
ingon beng·blokrang bitchi chi·a.

Sin·karimitingo bang·a beng·blokrangan pokkrini
ning·o a·dubeko a·kol kite ua a·kol ning·on tusia.

Al·aringrang na·tok gita pekuarechi rang·sita.

Gipin janggi gnanggipa gita beng·blokni guasu dongja.
Uni gimin balwako ra·napna gita uni ka·sop gangbuna
man·ja. Beng·blok on·tiprak on·tipraksan balwako
minoka aro ua balwa ka·sopona napanga. Beng·blok

ku-sikko chipe gingting gita balwako salopa, aro bilake
ua balwako ka-sopchina napdraata. Iani bigilo a-kol
gnang. Beng-blok a-ani ning-o tusimitingo bigilni a-kol-
chin rang-sita.

Sin-kari bon-e wachikari a-bachengahaon beng-blok



1. Al'aring.

2. Beng-blok bima.

3. Adita salni ja-mano al'aring ka-sne dal'roroa.

4. Beng-blok brigimin.

bitchi chi-a. Bitchirang skangde a-ani ning-o ging gita
dakgipa bostuchi pindape donga. Ging gita dakgiparang
chio gangbuatako man-e ka-sne ka-sne bang-a aro bitchi
gnang balboa.

Bitchirang skangde nina gisima aro chonchona.

Ka·sne ka·sne ro·anga aro sal chikungmang ding·ako man·on pe·a aro ning·oni al·aring ong·kata.

Al·aring ki·me, sko aro pekuaresan dongaia; nina na·tok gita daka aro iarangni janggi tanganiba na·tok gitan ong·a.

Adita salni ja·mano al·aringni be·eno be·en dotgni ong·katbaa. Uarang ka·sne ka·sne dal·roroe ja·a samgni ong·anga. Ki·me gimaanga, unikoa jak ong·kata, pekuarerang chonanga, aro uani pal ning·oni ka·sop ong·katskaa.

Sko aro be·en ka·sne ka·sne dal·anga aro apalanga. Beng·blok bi·sarang ja·mano chiko wate a·gaona gakata. Iani ja·manoba beng·blok ka·sne ka·sne dal·roroa aro gisep gisep gilsrea.

1. Beng·blokko banoniko man·na amgen ?
2. Beng·blok maikai bilchroka ?
3. Beng·blok maidake rang·sita ?
4. Beng·blokni ja·a aro bigilni gimin aganbo.
5. 'Daknanggijagipa Do·gep Bi·sa' minggipa ki·tapko jak 26 oni jak 27 ona poraibo.

BARING

Baringni ja·pang a·ani kosako foot 1 foot 2 churonga. Una bate dal·gipa bolkoba nikna man·a. Ja·pang agre churongja. Ja·pangni samtangtangchin cheksirang ong·kata.

Ja·pang bim·ronga aro ba·gipa bigilchi pindapa. Chonchongipa cheksirango bu·su donga. Bijakrangni kosako chonchonbegipa bismak gnan. Uan skaka. Bijakni bimang pilak bolrango apsan ong·ja.

Bijakni kosakchini rong on·ti on·ti tangseka, ka·machini rong on·ti on·ti gipoka. Bijakni jatchio dal·gipa ja·dil ge·sa gnan. Uonin chonchongipa gong·gegipa ja·dilrang bang·en ong·kata. Ja·dilrango bu·su

gnang. Bijakni ga·tong aro biteni rong apsan ong-
nasia.

Bibalko ra·chakram ge·antion adita tangsekgipa bikop
ge·bonga bonga donga. Bibal ge·antion ge·bonga bonga
papri gnang. Paprirang ge·sa ge·gipin baksa nangdim-
grika. Iarangni rong on·tisa gipoka.

Mitam pulni paprini ja·pango namen nitobegipa



1. Gro gita ratgimin baring.

2. Baring.

gitchakmranggipa rong donga. Bibal ge·antion kniding
dakgipa ge·bonga bonga donga. Kniding dakgipani
ku·choto bismakan gapgipa me·pilip gnang.

Ma·manti bimang aro rongni baringko nikna man·a,
gipok, tangsek, gitchakmrang aro bringipa rongniba
donga. Ua ba·begipa, ching·chetgipa, rinokgipa bigilchi
pindapa.

Biteni ga·tong rakbea, bim·ronga aro uano bu·su donga. Ga·tong baksa nangdinggipa baringni be·enoba tangsek·gipa ritthagipa pindapani gngang aro uarangni kosakosa bu·su gngang. Baringni ning·o bang·en chonchonggipa bitchil aro bokgipa be·en donga.

1. Badia bijakrangko to jo·ode cha·na nambea?
2. A·steni baringko dakbo.
3. Baring aro mini bolko tosusabo.

JOBA PUL

Lessonko a·bachengna skangan blackboardo bibal aro bijak gnganggipa cheksiko sale mesokode namgen. Bisarang joba pulrangko classona ra·baode nama.


Bario bibalni bolrangni gisepo joba pulni bol pangsa pulni dal·gipa bol ong·a.

Ja·pang aro cheksirang bim·ronga aro ba·gipa bigilchi pindapa. Niam gita den·kreode bol namen bijimbea. Mitam mitam joba pulni cheksirang chonchona aro ro·robea. Bibalrang cheksini ku·chotoni dingdea.

Bijkni ka·machini bak kosakchini bakna bate tangsim·bata aro ching·bata. Bijakrang cheksini samtangtangoni ong·kata. Bijakrangni riking rikkel rikkel daka.

Bibalni bijak sepal ge·bonga gngang. Uanon uni paprirang donga. Ga·tongni kosako bichonggrimni kok·kimao bang·en tangsekgipa nom·gipa bu·surang gngang. Bibalni bijak gimik ge·bonga donga. Bibalni bijak bang·gipa joba pulba donga. Joba pul gitcak, gipok, an·chi daggipa aro gitcakmranggipa aro rokom rokom rongni donga. Mitam mitam bijakni riking rikkel rikkel dakja.

Pulni ning·o dal·gipa noli ge·sa gngang. Ua nolini ku·chotko bak bonga dake bak daka. Ku·chotni on·tisa kokkimao nolini be·eno chonchonggipa kniding daggipani skotongo gitcakmranggipa biginchi gngang.




1. C
L
boan
biba
P
ding

Bibalni bijak jakbonga gnanggipa bang'a joba pulni
ro·rogipa ga·tong ka·machina olinea.

1. Joba pulko rong nonge noksako dakbo.
2. Joba pul aro mongnal bibalko tosusabo.

GENDA PUL



1. Genda pul samsa.



2. Genda pulni mikkang.

*Lessonko a·bachengna skang skigipa noksarangko black-
boardo salode namgen. Mitam bi·sarang uamang·ni
bibalni barini gimin aganchina.*

Pilak barirangon ong·nasipile genda pulko nikna man·a,
dingtangmancha joton ka·oba ka·jaoba genda pul

bang'en chaa. Ja-pang, bipek aro cheksirang bim-ronga, aro uarango ja-dilrang bang-bea.

Bijakni kosakgipa bak tangsekbea, ka-machini bak tangsekmranga. Bijakrang ching-chet ching-chet dakja.

Bijakrang chonchonbea aro sel-u gita ro-choka. Bijakni riking rikkel rikkel daka, bijakrang ja-pangni badiaba biapo bikpilgrike nakata.

Genda pulko nikode bibal ge-sasan ine chanchimana, indiba chong-motde uan bang-bea pulni tom-dakasa ong'a. Bibalrangni ku-chotko an-ching nikna man'a.

Pilak bibalrangnin ge-sa ramram tom-betgipa glassni gita tangsek-gipa ra-chakani gnang. Iarangchin bibalrangni ka-machini bakko rakia.

Kosako agangimin ra-chakani ka-mao sildangkepni ku-chotni bimang gita konggranggipa ga-tong ge-sa donga. Iani kosakon bibalrang donga.


Bijakrangni rong tangsekbea, mitam bibalrangni gitchakbegipa papriba gnang. Paprini ka-machini bak tangseka. Paprirangni nangdinggipa skotongko bibalni mukut ine minga.

Ia mukutni rikamni bibalrangni dal-gipa papri ge-sasan gnang. Uano kniding dakgipa dongbreja, dongoba kniding dakgiparang dal-dalbreja. Ning-oni bibalrang noli gita daka ; uarangni kniding dakgipa gnang. Paprirangko reprepode tangsek-gipa rong ong-kata. Bijak aro papriko reprepode seenga.

1. Ka-mao segimin gita joba pul aro genda pulko tosusabo.

(1) Rong (2) Papri (3) Ga-tong (4) Bijak.

2. 'Suurini Rani' minggipa ki-tapko jak 46 oni jak 48 ona poraibo.



A
mo
bija
cho
Bij
gna
Un
I
nar
bol
ge
A
Ka

ATA BITE



1. Ata biteni cheksi.

Ata biteni ja-pang bim-ronga, bigil ritcaa ; chong-motan bigil ga-ninga. Cheksirang nom-a, be-ninga; bijakrang cheksini samtangtangchin ong-kata. Chonchongipa bijakni rong tangseka, ka-machini tangsekbreja. Bijak ro-ronga, bijakni ning-o chonchongipa ja-dilrang gnanng. Bijakni janggilo ja-dilrang on-tisa chutinga. Uni gimin bijak kosakchini gita rinokja.

Bijakrangko reprepode bisak ong-kata. Ia bisak nambeade ong-ja. Bibalni rong gitchakmrang dake boka, bibal ge-antion duulgipa ge-gitam, bibalni bijak ge-dok, aro adita kniding dakgiparang gnanng.

Ata gittang tangseka indiba mingimin ata kaltaprua. Kan-dikbegipa dal-gipa ga-tongo bite dingderonga, ga-

teng bite ning-onan on-tisa dakonanga. Bite ning-o ga-tong pekkra pekkri daka. Atani kosako bigilo bo-ret bo-tet dake mikron dakgipa donga. Atani ning-o chonchongipa bokgipa kilding gnang, kilding dingprakon rongprak gisingipa ro-gipa bitchil gnang. Ua kildingna agre be-enba gnang; uan chona aro se-em se-em daka.

1. Ata aro te-brongko tosusabo.
2. Rong nonge atani biteko dakbo.

TE-BRONG

Ong-na man-ode te-brong bolni kokkimao lessonko ra-ode nama.

Te-brong ja-pangni kokkimao a-ani ning-o dal-dalbegipa ja-dilrang donga. Ja-pang bim-ronga, bigil rimiltritja, indiba ritchoa. Ning-oni bolni rong nitoa aro bol rakbea. Ia bolonikon ma-manti bosturangko daka.

Uni bijakrang ka-machina bate kosakchini tangsek-bata. On-tisa ran-ahaode bijakrang kosakchini on-tisa gitcakanga aro ka-machini a-mang gita dakanga. Kosakchinipak rimiltritrit aro ching-chet ching-chet daka.

Ja-dilrang srongja aro bijak okbrong brong dakanga. Ku-chotsan on-tisa ro-chokaia. Bijak ja-pang aro ga-tongoni rokomsa atta ong-a. Uachi chonchongipa do-orangko rim-na man-a.

Dal-gipa ga-teng ge-sani samtangtangchin bang-a bibal-rang bala aro ukon te-brong baorea ine minga. Iarangan te-brong dal-gipa ong-a.

Bolni chonchongipa cheksirang indita dal-gipa biteni jrimako ra-chakna amja. Iani gimin biterang, ja-pang ba dal-dalgipa cheksionisa olimee nanga.

Biterangni gisepo te-brongan pilakna bate dal-bata. Dal-begipa aro kimkingipa ga-tongoni, chong-motan bibaloni te-brong bite olimeronga.

Te-brongo bu·su donga. Te-brong gittang raka, minode nom·a. Te-brong rongprakon bing·bee bikop gnang. Bikoprangko ba·gipa bigilchi ge·sa ge·gipinoniko dingtang ong·ata. Bikoprangni rong rimita aro uan chi·gipa bitchian gapa. Bikop ge·prakon bitchil rongprak gnang.

Bitchil rongprako ba·gipa pindapani gnang. Ran·ode pindapani bitchiloni dingtang ong·a. Ran·gimin bitchil bijak song·na aro jo·e cha·na nama. Jo·gimin bitchil chi·a.

1. May, June aro July jarango je je biterangko man·na ama uarang pilakni bimumrangko mingbo.
2. Iarangni gisepo badia dal·bata, uko aganbo.
3. Te·brongni bijakko wa·ani bijakmung tosusabo.
4. Te·brongni bijak aro te·gatchuni bijakko tosusabo.


WA·A

Man·ode wa·a bichongni sepango ia lessonko ra·ode nama.

A·gilsako wa·a dal·batgipa samsi ong·a. Bichong ge·prakon wa·arang bang·en chaa. A·ani kosako adita chel·aona kingking wa·ani ja·dilko nikna man·a, indiba kosakni bijak bing·ani gimin ning·oni mamungkoba nikna man·ja. Wa·ani ku·chotrang gongdola aro balwachi il·lenga.

Badita rokom samsi gnang ? Uarangni gisepo wa·ani ja·pangan pilakna bateba rakbata. Wa·a dambeni ja·pang indita rakja. Ja·pang gopgranggrang daka, indiba gisep gisep bisku gnang, ia biskurang gopgrangja. Bisku ge·prakon champengani gnang. Ja·pangchi weng·roa aro kosakchi weng·kandikanga. Bisku ge·antion ja·pang dal·a. Biskurang ja·pangni gipin bakna bate rakbata, ja·pangchibara biskurang adita bing·a, kosak·chinirang indake ong·ja. Iani gimin kosakchini bakna bate ka·machini bak mangrakbata.

Bisku sepangonin bijak ong·kata. Bijakrangni rong tangseka, kosakchinipak ka·machinipakna bate tangsekbata indiba ka·machinipak skakbata. Bijak sel·u gita daka. Bijakni ja·dilrang groe donga. Bijakni



kokkimaog a·tongchinipak wa·sing gita daka, indiba jakchita. Ian aditana kingking ga·tongo ma·bake sin·a ding·aoniko rakia. Bijakrang chu·soke badalna skang dal·dalbegipa beji gita daka.

W
dok
chill
N
tebi
I
min
2.

M
bar
kata
C
ja·p
rang
J
gip
Ja·p
kon
bit
chi
alt
C
dak
I
ma
ran
ran
gri
kat
I
I
ch

Wa·a bang·en gipoke bibal bala. Bibalrango ge·dok dok kniding dakgiparang gnang. Chonchongipa bit·chilba gnang.

Nok jamrangko rikna wa·ako nanga. Wa·achi choki, tebal, chata, gol·dik, ki·chong, bra aro chriko daka.

1. Dingtang dingtang samsirangni bimungrangko mingbo.

2. Rong nonge pencilchi wa·ako dakbo.

GRIT

Man·ode grit barini sepango, ba bi·sarang baksa gritni bariko nimano ia lessonko skiode nambata. Wa·ani katako nipiltaibo.

Gritni ja·pang altue sija. Ruuta salna kingking ua ja·pang tange donga, aro ianonin bang·en gritni bimik·rang nakata.

Ja·pang foot 10 mang ro·a aro me·chik bi·sa chon·gipani jakpong gita dal·a; ku·chotchi chonoroanga. Ja·pango on·tiprak chel·grikari bisku gnang. Grit konggrangrang dakja, ning·chi nom·a aro chi·gipa bitchichin gapa. Ja·pangchinipak chi·bea, kambechini chi·breja. Kosakni bigil raka aro ba·a, groe chitode altuen ga·oa.

Gritni rong gitcaka on·ti on·ti tangsek aro rimit dakeba dakanga. Indiba pilak gritnin ning·chinide gipoka.


Dal·gipa gritni bijakrangko skotongni sepangon nikna man·a. Grit baditan dal·anga inditan bijak gitcambang ka·machinin jakprakprak dake ga·oe kata. Bijakrang biskuonin ong·kata. Ge·sa ge·gipin baksa sepang·grikgipa bisku ge·gnioni bikipilgrikachinin bijakrang ong·kata.

Biskuni sepango ja·pang dal·bata.

Bijakrang ro·roa, indiba uko tosusaode gipeng ap·chonbea. Bijakni ku·chotrangba ro·roa. Bijakni rikingo

chonchongipa matgipa bu-surang gnang ; uarang mandeni
be-enko mata. Gritni ku-choto chokchimsa bibal donga.

Bibalni kniding dakgiparang nom-ja indiba raka aro
ran-a. Bijakni ka-machini bak bikop gita ja-pangko



1. Grit Pangsa.

2. Ja-pang.

3. Bibal.

pindape dona. Uni gimin bijak ga-akjaskal gritko nikja.
Bijakni jatchio donggipa dal-gipa ku-chotni kosakchini-
gipani rong gipoka.

Gritko niam gita gamna nanga. Gritni bisokrangko den·e a·a nom·gipao dape donna nanga.

Bijakrangko den·e gale namedake rongtalate gritni ga·tongoni bitchiko bikotna ra·baa. Jetako man·e gritoni bitchi ge·sa dal·gipa ra·chakaniona jokanga. Bitchi bang·en chimongmanahaoa uano chunko brine chichaata. Bitchiko ding·aton ka·sne tin·kaanga aro gitckakanga. Ja·man ki·tiko uan brim brim dakanga. Uan mitai ong·a. Mitaiko rongtalate chiniko daka.

1. Manderang maina gritko inditan namnika ?
2. Wa·a aro gritko tosusabo.
3. Chiniko dakani gimin aganbo.
4. Rong nonge gritko dakbo.

MI

Bi-sarangko rime mini a·bako nimano ia lessonko skiode nama. A·bako nimitingo bi-sarang mi chagitalko chimonggen.

Miko satani on·tisa salrangni ja·manon bimik nabaa aro a·ani kosako chonchonbegipa bijakko nikna man·a. Chongipa ja·pang pangsako pikchroode uani ka·mao mini bitchriko nikna man·a. Ua mini ning·o mamungba gri, bikaprarasan.

Chongipa miko chaatna ning·oni birong dakgipa kakketko nangtoka. Chongipa ja·pang bitchri baksa chaaniko jakkale dal·baa.


Mi bi-sarang gong·raken dal·bara aro pangnan foot 2 mangsan changrorongaia. Indiba chi dongkamgipa patalo mi ja·pangrang dang·roba aro chi baksan dal·roroa.

Mini ja·pangrang chonchonbea, indiba bijak aro mini jrimako ra·chakna chu·onge raka. Ja·pangrang konggranga, bisku sepangosan konggrangjaia. Ja·pang-

rangko altuen gomodlatna man'a. Iani gimin balwa aro chipakkorenan gomodronga.

Kosako agangimin biskurang ja-pangchibara bing'a, aro iani giminan kosakchinigipana bate ka-machini ja-pang rakbata, ja-pangni kosakon jrima onchimbata.

Bijakni rong tangseka. Bijak jakantinin ku-chot



1. Mini bimik naa. 2. Mi tom-daka. 3. Mi pangsa.
4. Mi rongsa.

ge-gni aro ja-pangni rakgipa bak bikop gngang. Bijakrang deda deda dake biskuni samtangtangchini ong-kata. Bijakni bikop ja-pangko bil-gope donga. Iani gimin ja-pang altue nisiatako man-ja. Ku-chotni ro-a gipengna bate bata aro uano groe ja-dilrang donga. Bijakrang skakbea aro jako rake salode jak matnaba donga.

Mini bidang ge-prakon bibal bang-bea. Paprirang rakbea, kniding dakgipa ge-dok aro ning-o donggipa ge-gni donga. Ia ning-o donggipani kosakon bismak ga-ake uan bite nanga aro mi pil-a.

Cha-che gnanggipa miko mi gilgnang ine minga. Mi mingijagipani rong tangseka. Mingipa mi rimitronga. Mi gisimkoba nikna man-a, jaksichi ka-sin ka-sin repode gitchakgipa merong ong-kata.

Miko ramanahaon, matchuchi nake ba go-olchi doke bidangoniko miko dingtangata. Unikoa choe ba jipe bebu aro megapko gale rongtalata.

Merong rokomgniko bikota. Skanggipa, mirangko rite ramemung tengkio su-e merongko bikota. Ia merongkon merong ritgimin ine minga. Gnigipa miko ritgija salo rame tengkio ba sa-samo su-e ra-a. Ia merongkon merong saram ine minga. Merongko chik-pinekodé chi-a.

CHA

Cha chagiparangoni rokomsa bol ong-a, jeko an-ching jakkala.

Bol: Cha bolni ja-pang adita dal-a aro uni rong kaltapru, indiba dambeo uni rong gitchakmranga; uko kolom rate donachi cha bol nitogipa aro dimringipa ong-a. Ua bolprakan ja-pang silgipa cheksi ongipa ong-a.

Bijak: Adita dal-dala aro ro-sroka, dambeo uni rong tangsekmranga. Indiba briaahao tangseksranga. Ua boloni peksuatgrike ong-kata. Chani bijako ku-chotoni ku-chotona kingking rimitmranggipa rongchi sala gnang. Uni ong-katramba bijak maikai ga-gongoni ong-kata, uandaken apsan paksuatgrike ong-katbaa.

Riking: Uni riking atchili wagam gita daka. Ua chongipaoni dal-gipaona kingking ong-a.

Bibal : Niode nagesor bibal aro boldakni bibal baksa apsan ong·anga, indiba nagesor pulna bate chonbata. Ua pulni bijakrang gipoka, jatchio rimitgipa bismakrang bang·bea. Pulko rim·e rakigipa pulni mukutni bijak jak bonga gnang. Aro pulni bijak chong·motoba ge·bonga gnang. Pulni mukutni bijakrang tangsekmranga. Indiba bibalni bijakrang gipoka. Nisusaode, boldak, nagesor aro cha pulni dingtanggrikako bang·e nikbreja. Pulni chonggipa srerang bang·bea.

Bite : Uni rong dambeo tangsek, minode kaltaprua. Uni bigila adita ritchoo aro uara minahaode bikrok daka. Biteni rokomko tosusaode te·kreng bite baksa apsan ong·anga. Indiba rong on·tisa dintang. Te·krengni biteni rong on·tisa bokmele tangseka, indiba cha biteni rong tangsekbea. Te·kreng biteni bigil ritchoo, indiba ua bigil nom·gipa ong·a. Biteni ning·o donggipa bitchri te·krengni bitchrina bate dal·bata, rakaba rakbatbea. Bitchrini rongko tosusaode nagesorni biteni rong gita apsan ong·bata. Bitchrini ning·o donggipa be·en on·tisa boka aro rimitmranga. Uoni bimik naa.

Janggi tangani somoi : Uni janggi tangani somoirangko chanchiode gipin chagiparang baksa apsan tanga ine aganna man·a. Ua bolko bobilrang nisijaode ua ruuta bilsina kingking tange dal·gipa bol ong·pila. Indiba uko gipin chagiparang gita ramram nikaija. Uaranga mande ge·jaskal ramram chaja. Uarangna dintangmancha baganko dakesa ge·a. Bagano dongon pangnan kolom ratani gimin onbegipa pulrangni ja·pang gitasan nikaia. Iaranga a·kaweo ba a·dingkro dakgipa biaprango silbea. Ge·na skang una a·ako name nom·atesa tarichengesa ge·na nanga. Ge·manoba uko gipin bolrangko gita ge·ari donani ong·ja, dintangmancha uko niroktaitaina nanga. Indin ge·ari donaiode ua nam·begenoba uoni mamung labko man·jawa. Uni a·selsa pangnan kolom ratna nanga.

Namgni : Cha, jeko an·ching ringna jakkala, gipin chagiparagoniko an·ching biteko cha·a. Indiba an·

ching bijak dambe soksolaonikosa chako banaia, kolom rate donaoni je ringsonge ritimgata ukosa ake sirotiate ran-ate galda gisi gita binekata aro dona. Unonisa an-chingna mingsa jakkalani bostu ong'a. Uko banaina nirokna aro ma-manti kamrangna bang-bea korosrangko ka-na nanga. Uni a-selsa agre chani dam rakbea. Iarangko dingtangmancha Companyrangsa Baganko dake chako banaie badinga. Unonisa songsongantina watatoroa. Iachi Companyrang bang-bea labko man'a. Ua banaigimin chako puttienggipa chio donode ua gitachak-bea. Agre ong-ode ua ka-pila. Indiba niam gita ringode ua an-chingni be-enko bilakata. Nambatgipa charangko mongsong Assamoniko man-bata.

CHAGIPARANGNI JELROROANI

A-gilsako ma-manti chagipa sam bolrangni jelrooanini gimin an-ching dingtang dingtang cholrangko nikna man'a. An-ching uarangni gipani cholrangko bak bonga dake سوالنا man'a. Uarang.—1 Bitchrioni bimikchi 2 Bolko den-e ge-songachi 3 Biskuoni ba ja-guoni ong-katrikrikachi 4 A-ningo donggipa ja-ta ba bitachi 5 A-ginchioni ong-katgipa bimikchi.

I. *Bitchrioni ong-katgipa*:—(1) Cheng (2) Modipol (3) Te-brong (4) Komperam (5) Te-gatchu (6) Jambura. Indakgiparang bitchrioni bimik nae jelrorogiparang ong'a. Iaranga pangnan karitangtang gita bibal bala aro bite nanga. Biteko manderangni cha-e galachi ba jakkalachi; cha-ani bosturang ong-ode, song damsaoeni damsaoena ra-e ge-achi jelroroa. Indiba jerangko manderang cha-ja aro jakkalja, uarangko do-drang cha-skaa. Uarang a-saoni a-saona bilroroe uarangko ra-anga aro uarangni ki-aoni bolrang chaa. Je je bolrangni bitchri

chonchona uarangko do-orang minoka, uoni ja·mano bolrang ong·kata.

(1) Mi (2) Me·rakku (3) Motol (4) Olasi. Indakgipa bosturanga bitchrioni dingtangmancha bimik ong·kate bolrang ong·na man·a. Dingtangmancha bite nange bitchri gnanggipa bostu ong·a. Iaranga karitangtang gita bilsiprak bibal bale bite nanga. Uarangko manderang jakkalachi aro song damsioni damsiona ra·roroachi gipatna man·a. An·chingo skango motol, bilati baring, kobi aro una agreba bang·bata cha·ani bosturang grichim aro jakkaljachim. Da·o gipin gipin a·songoniko pilak jakkalanirangko nika an·chingba uaragoniko bitchriko bi·ate jakkalachi, da·o Garo Hills gimikon gipnasipilaha. An·chingni cha·ani bosturang an·chingni jakkalachiba jelroroa. Indiba iaranga pilakan bitchrioni bimik nae jelgiparang ong·a.

A·gilsako gipangani cholrang rokom rokom bang·a, indiba mongsongde bitchrioni ong·kate jelgiparang bang·bata gita nika. Sebagimin gita bitchrionisan ong·aigija maiba gipin cholchi gipangani chol gnangpiti ine nikbamanaha. Iarangni cha·ani apsan, pilakan chi, balwa aro seng·ako nanga. Indiba uarangni bewalrang dingtanga. Da·o an·ching sualgimin gita sulsul ming·prakko sandie nina.

II. *Su·songachi gipanggipa sam bolrang* :—(1) Golap pul (2) Joba pul (3) Dhogol pul (4) Patapahar (5) Kristmas pul. Iaragoniko an·ching nitobegipa pulrangko nikna man·a indiba an·ching uaragoniko biteko nikja; iaranga dal·dalgipa bolrangba ong·ja. Indiba mandena jakkalbeani bostu ong·a. Bite nangjaode maikai baoni jeloroangna man·a ine chanchinaba donga. Indiba uarangni jelani chol nambea gnang. Iarangko dingtangmancha boloniko den·e ge·songode, aro uno sal gni ba sal gitam chi ruode, uoni ja·dil ong·kate bol ong·a. Iachin dal·gipa bol aro nitogipa bol ong·a. Aganbagimin gita manderangni joton ka·achi song damsioni damsiona jeloroachi a·gilsak gimikchi gipanga.

Iaranga bol bigilonin bimik gita ja-gu ong-katskae jelrorogipa ong-skara.

III. *Biskuoni ong-kate jelgiparang*:—(1) Manamuni (2) Podina (3) Samsi. An-ching samsirangko nie nikna man-a. Uaranga biskuantioni pekwater uoni bimik ba ja-gu gita ong-kate a-joljol male giproroa. An-ching indakgipa samrangko rang-san nie ja-pangko mesokna neng-a. Maina uarangni biskuantion ja-dilrang gnang aro uniba pekwatergipa dongtaia. Aro dingtangmancha chagipa ja-pang gitan apsan. Indakgiparangni bite aro bibal griskaa. Indakgiparang mongsongde a-kaweo charongbata. Da-o an-ching chagiparangni chol minggitanko nikaha, aro minggipinni giminba niangkugen.

IV. *A-ningo donggipa tom-betgipa ja-tachi ba bitachi*:—Ia tom-betgipa ja-tachiba jelrooani chol gnang ine an-ching knamanaha. Uaranga maikai jela aro baoni ong-kata uko an-ching sandie nina. Indakgipa tom-betgipa ja-ta gnanggipa bosturanga iarangan:—(1) Alu (2) E-ching (3) Holdi (4) Ta-a (5) Rasin (6) Nohoru. Iarangko an-ching Garo Hillso an-tang ge-e jakkala bilsi ruutkuja ine nikna man-a, mongsongde aluko. An-ching alu, rasin, e-ching iarangoniko bibalko nika, indiba uaragoniko bite nanggiparangni pul gita chongmotan gandil gita aro piala gita dakgipako nikja. Indakgipa dongjani a-sel bite nangna man-ja. Indiba iarangni jelrooani cholrang dongskaa. Aluko ge-on an-ching tom-betgipa ja-ta jeko an-ching alu minga ukosa ge-a. Uko song damsaoani damsaoana ra-roroe manderangni jakkalachi a-gilsak gimikon gipanga. Aluni dingtangmancha chonggipa ja-dil gita dakgipa gnang, indakgipaonin bite gita a-ningo tom-betgipa naskaa. Ua ja-takon an-ching bitchri gita jakkalskara. Aro unonin aluni bol ong-kate uoni da-oba bang-bea ja-dilrang ong-katea.

Ugijagipa manderangde ukon bite ine chanchinaba donga, maina uni bimangko bite gita apsanan niknasia. Indakgiparanga namgipa a-a a-sal gnanggipa aro on-tisa chijimgipa biaprango mongsong silbata. Uarangni

ja-tarang tom·betgipa ong·ani a·selan uarang a·ani ning·chi ning·tue ja·onangna man·ja. Uni gimin ran·gipa a·ao aluko ge·ode gisep gisep chi runa nanga. Indake ong·jaode uarang a·aoni bang·a cha·aniko salopna man·jani a·sel tom·betgipa alu ong·katgijan sigenchim. An·ching uko altuen uina man·a. Jena kingking a·a chijima uona kingking bol dal·roroa. Indiba a·a ran·angahaode bolba siangskara. Iarangko ia listni ning·o semanaha. Ua pilakan indakgipa ong·a. A·ani chijim·ako man·taijana kingking ba mikka wakujana kingking uarangni bolrang sie gimangsranga. Indiba mikka waon a·ani chijimako man·ode rang·san ua ja·diloni bimik chataia. Uko pikjaode uandaken ja·diloni bimik ro·roe jelanga; indiba agre ruute donode ma·gitchamrang soe gital ja·dil ong·kattaia.

V. *A·ginchioni chagipa*:—An·ching me·gimu, me·konchek iarang pilakkon bitchrioni ong·kata gita nikgen. Indiba dingtangmancha gongginni brigimin bijakoniko janggilchiko November, December jao niode nikna man·a. Ua bijako bitchrini pal tangsekmranggipa aro simpranggipako nikgen. Uan ga·ake bimik nae jeloroangskara. Indake jeloroanggipa gonggin, a·ku·smang aro me·gimu. Me·gimu indakgiparang a·prooni, boltong soarangoni ong·kata. Indiba uarangni janggi tangani salrang kan·dika. Sal gitam ba sal brina kingking tangna man·a. Un ja·manode uarang soe ba sikrepe gimara. Iarang gipin chagiparang gita dongkamja. Jensalo wachi sokbaa a·arang chijima, aro mikkarang waako man·e bolrangni bigilrang soanga unosa uarang ong·kata. Iarangni rokom rokom bimangrang gnang. Mongsong bol soarangoni ong·katgipa me·gimu bang·bata. A·aoni ong·kattelgipa me·gimurangba bang·a. Rokomsa me·gimu jeko an·ching cha·ja uade adita ruutana kingkingan janggi tange dongna man·a. Uni bimang raka aro gitchaka. Iana agre gipinrang pilakan sininga.

Gongginde indake ong·ja. Ua chagimin ja·pangoniba

ja·gu nae an·tangko dal·gipa ja·pang ong·ata. Indiba iarangni mongsong jelangani ja·pangde bijako donggipa rokomsa cholchi, uko an·ching bitchri ine mingna man·a.

BITCHRI GIPANGANI CHOLRANG

I. *Balwarangni balpakachi*:—(1) Bolchu (2) Sambangguri (3) Kering (4) Sojina (5) Sokchon. Iarang jensalo bite mina unon teng·goe uarangni bitchri ritchengani gimin balwa balon balpakanga. Unon balponge je biapo ga·akaha unoni balpongtaigija unon a·a dapa gita dake uoni bimik nae bol ong·e dal·roroa. Aro uoniba bibal baltaie bite nange minon aro skangna bate chelbabe balponganga aro a·saona sokangtai uno ga·ake bol ong·taia. Uandake indakgipa bolranga a·saoni a·saona gipanga.

II. *Chichi balpakange gipangani chol*:—(1) Mongnal (2) Pet (3) Kal (4) Singirip. Iarang pilakan chio chae dal·rorogiparang ong·a. Jensalo uarangni biterang mina, unon chirang dal·baon ua biterangko chibima dilsaona balpakangskae jeo bitchrirang skata uno chae dal·roroe bite nanga. Aroba uoni aro gipin chibol ba chibimarangona balpakangtaia. Ia cholchi chio chagipa samrangko manderang jakkaljaoba chirangchi chiantiona gipangskaa.

III. *Matburungrangchi ba mandechi gipanggipa bitchrirang*:—(1) Samsok (2) Samte (3) Samstap (4) Me·mang atchili. Jensalo uarangni bite minaha matburungrang ua biapko re·pakange uarangni kimilrango aroba manderang re·pakode ba·rarango ma·bake jeo matburungrang tua, aro manderang neng·take ua samni biterangko gala, aroba matburungrangni kimiloni ga·aka, unon uni bitchrirang chae dal·roroa. Manderang aro matburungrang song damsaoni damsaona, a·saoni

a-saona re-roroe ua songo indakgipa sam bolrang dong-jaoba, ia cholrangchi a-gilsako jeloroanga.

IV. *Mandechi gipanggipa bitchrirang*:—(1) Modipol (2) Mi (3) Te-brong (4) Te-gatchu (5) Cheng. Iaranga an-chingni jakkalbegipa cha-ani bosturang ong-a. Jensalo ia biterang mina, ba briaaha, unon an-ching uarangni biterangko ake uarangko ra-roroe cha-a, aro bitchriko jeoba gala, unon ua bitchrirang namgipa ong-ode, ua biapon chakama, aro dal-oroa. Indakana agreba an-chingni a-songo donggijagipa bolrang ong-ode, uko dingtangmancha joton ka-e, bitchrirangko ra-bae ge-achi jela. Aroba indake song damsioni damsiona ra-oroangpiti. Indake bitchrirangni aro chagipa bolrangni gipangani chol ong-a.

V. *Gopretachi gipanggipa bitchrirang*:—(1) Kappol (2) Kangkuneng (3) Slongket (4) Galda (5) Spin (6) Me-mang galda. Iarangni bite minahaoa ua an-tangan goprete ua ja-pangoni mik gni ba mik gitam chel-e tang-anga. Unon ua jeo ga-aka unon chae bol ong-a. Aro uni bite nangtaie aro goprettaie uoni chel-kale tang-angtaia. Uandake chel-roroe bolsionin biapsaoni biapsaona, chel-a biaprangona sokanga. Indakgiparang mongsongde burungo chagiparang ong-bata. Galda, spin, ramram burungo chagiparang ong-ja. Uko manderang a-bao sata, uoni bilsu gnina kingking ua tanga. Teng-goe chataia, indiba a-jri galahaode burung dikode sie gimatokaia.

VI. *Do-oni ki-aoni jelanggipa*:—(1) Giting (2) Prap (3) Tapsi (4) Saora. Iarangni bite adita dal-dala. Indiba uni ning-o donggipa bitchrirang chonchonbegipa ong-ani gimin do-orang uko cha-na namnika. Uni be-en gimikko, chong-motan ronggimikko minokna amjaoba uoniko sue cha-oba, uni bitchri bang-beani a-sel chachapaia. Uoniko cha-e do-orang biapsaoni biapsaona biloroange ki-e gala; ua ki-i jeo ga-aka unon chae dal-a.

CHIO CHAGIPARANG

Mongnalni ga·tong adita ritchara, aro ro·ronga ba bim·ronga aroba wa·singtok gita daka, uni kosako gimikchin bisingkap dakgipa bang·a. Uonin bijakrang nakata aro ritimna a·bachenga. Ua a·joljol wee bon·kamgipa ku·choto bimik ong·kata. Aro ua me·a gita ong·katgipa bimikrang sororoangskaa. Ia bijakrangni ong·katchakram ba ritimramko ja·pangma ine an·ching minga. Uan nom·gipa so·opgipa a·aona ja·dilirangko su·angenba, budu aro bijakrang chini kosakona ka·sne ka·sne dal·rorobaa. Mongnalrang ichi uchi chini pok·pekoba an·tangko on·tisaba jitatja.

Bijak: Budu ba ga·tengoni ro·gipa bijakni ga·tong ong·kata. Ua bijakni ga·tonga inditan ro·gipa ong·a. Uaranga a·oni dol·reprepa gita ka·sne ka·sne chi kosakona nakata. Jensalo bijakrang chini kosako ong·aha, unon bijakni ga·tongrang uarangni dal·roroaniko dontonga. Aroba bijakrang salni ding·a aro balni bibako man·e baditana kingking badalna man·a badalata.

Rang·sitani chol: Gipin chagipa sam bolrang jekai rang·sita, uandake mongnalba rang·sita aro an·tangna cha·aniko cha·a. Gipin a·ao chagipa budu ba bolrangni balwako salopani cholrang jeoni bijakrang ong·kata ua biapon a·kolrang gnang, uko balwarang napa aro ong·katna man·a. Indiba chio chagipa sam budurangni salopani chol dingtanga. Uarangni salopani chol bijakni jatchio donga. Pilak chagiparang chini dakchakan baksa balwani carbondioxide minggipa bakko salop·ronga.

Bijakni ja·dilrang: Mongnalni bijako rimilgipa a·ste gita skokgipa pindapani gimin, do·gepni grango maikai chi skatja uandake mongnalni bijakoba chi skatja. An·ching namedake nikuode, an·ching ja·dilrangko nikna man·a, ua ja·dilranga bijakni jatchi ga·brongoni ong·kate rikingrangona salanga aro ua ja·dilrangan bijakko badal·atna dakchakani ong·a. Ua ja·dilrangni joraramchi

on·tiprak chubata. Aro uarangko chi bang·e mripja. Aro ua ja·dilrangan chiko bijakoniko jitpakna ba satpakna dakchakani ong·a. Maina bijakni kosako chi dongkamode, uni chonchongipa a·kolrang oako man·jawachim. Aro iachin uarangni dal·roroaniko cham·penggenchim. Maikai chagiparangni ja·pangoni ja·dilona balwarang re·ruraa uko nina skode bijakni bisilko ake chio sim·bolbo aro ga·tengko sikbekatbo, unon ua bakan bijakni kosakchipak rupani rong gita chichae ka·spu ong·katako nikgen. Uan ning·oni jokbaenggipa balwa ong·a. Uandake balwa ja·pangoni ja·dilona re·rurana man·a. Chagiparang pangnan rongtalgipa balwa Oxygen ba Omlojanko watatranga. Je biaprango chagipa budu ba sam bolrang nama ba dal·roroa, uandakgipa biap jean a·dubek aro a·sal gnanggipa biapo rongtalgipa balwa ba Oxygen dongjasrang gita ong·a. Maina uno bol bijakni soarangchi rongtalgipa balwako jakkale bon·ata.

Bijakni rongrang: Bijakrangni rong ka·machipakna bate kosako donggiparangni rong gisimbata, ba andalbata. Iani a·sel ian, andalgipa tangsingipa rongrang gipokgipa rongna bate ding·ako man·ningbata. Chong·motan gisimgipa chola pangnan gipokgipa cholana bate namemanchan ding·bata. Ding·a nangchakgiparang, jean salni ja·dil baksa nangrimna man·a, uaranga bijakrang pilakchinin rongchinggipa aro tangsekgipa ong·ode, chiona kingking batanga. Indiba gitchakmranggipa rong ding·ani ga·suako ra·chaka. Indake chagiparangna dakchakani ong·a. Maina ding·ani batroroara chagiparangko dal·ningatbata.

Pulrang. Bijakni ku·choto dingtangmancha ja·pangoni ro·gipa ga·tong ka·sne ka·sne ro·roroe chi kosakona nakata aro uni ku·choto bibal bala. Pul balgaona skang ning·o donggipa bibalrangko name rakina gita tangsekgipa kingbri bikaprangchi name pindape rakia. Ua pilak pulni bakrang ning·o badita gnang ua gimikko rakigipa aro a·seloniko jokatgipa ong·a. Jensalo bal-

gaoaha unon ning-o donggipa pilak pulni bakrang uno pangchaka. Iani a-selan pul ba bibal nina nitobegipa dal-begipa ong-a. Uno pulni bijakrang bang-bea. Gipokmrang ba gitckaksrisri daggipa aro dal-gipa bijakkon an-ching *pulrangni bijak* minga. Uni a-sel ian, jerangon bijakrangni ja-manano chonchonbegipa pulni bakrang gngang, uarangkon *pulni sverang* ine minga. Uni ku-choto je chonchonbegipa rimitgipa rongko nikgen uko *pulni bismak* ine minga. Uni ning-o je piala gita dake jatchigriko donga uko an-ching *pulni gandil* ine minga. Je pulrango indakgipa gandil dongja, ua biteko nangna man-ja. Pulni bakrangni gisepo gamchatgipa bismak aro gandilan ong-bata, una agre gipin bakrang dakchakanisan ong-bata gita nika. Pulrang salni ding-ako man-e pringchi balgaoronga. Indiba atamchipak pangnan je pulba chipronga. Ia pulni chipachi ning-o donggipa pulni bakrangko ka-sne rakina dakchakani ong-bea.

Bite: Jensalo pulni bakrang ga-aktokaha unon ua gandiloni bite dakna a-bachenga. Ka-sne ka-sne ua bite dal-roroe ja-manano nitogipa aro bimang dawilgipa aro tangsekgipa ong-a. Aro uni mikkango ua biteni ning-o badita bitchrirang gngang, kosakni bimangko nie chane an-ching aganna man-a. Maina mongnalni bite mikkangchake donggipa ong-a. Biteni kosako dingtangmancha bitchri rongprakprakni uie mikron gita nakate donga. Biteni ning-o donggipa be-en gipoka aro chek gita chonchongipa a-kolrang gngang. Uaranga nom-gipa, aro so-opgipa ong-a, bitchrirang uni kosakon gngang. Bitchrirang chonchona aro ro-roka, uni ning-o donggipa be-en boka aro on-tisa rimitaba gngang. Jensalo bite minaha unon ua so-opgipa bikaprang soa aro bitchrirang go-oka. Bitchrirang china bate jrimbatani a-sel chiningchi napa aro urangan ja-manano bimik nae gipin bol ba buduko daktaia.

SAL,

Sal ching-gipa, tom-betgipa wa-alni robol rongsa ong-a. Pringo aro atamo salni rong gitchaka. Unon salko nitatna man-a, indiba gipin somoiode mikron mikbrapa. Chong-motan sal inditan ding-a je a-gilsak salo ga-akode ba salni sepangbeode indide a-gilsakko kampongranggen.

Basakoba basakoba aram salko pingripa. Uni gimin salna bate aram a-gilsakni sepangbata ine uina man-a.

Sal pangnan salgio biapsano dongja, sal salgini samsaoni samsaona re-e roa.

Pringo salgini samsachini sal nabaa, ukon pring minga. Unon sal gitchaka aro salgini samsani ka-mabeao donga.

Sal ka-sne ka-sne salgiona gakatrorobaa. Baro bajio, chong-motan sal jatchio, sal salgini chubatgipa biapo an-chingni skoni kambeo donga. Unikoa ka-sne ka-sne ong-onanga, aro pringo jeoni nabahachim uni samgipinchi napanga. Takon sal napa minga, sal napani ja-mano andala. Sal salantin salgio indake re-e roa.

Salgini jechiko sal nabaa ukon salaram minga. Jechi sal napanga ukon saliram minga.

Salaramchi mikkange chadengode jechi jakra ukon salgipeng, jechi jakasi uko salgro minga.

Grikgijagipa dot gimik dakgipa bosturangni jagring ga-aka maina uarangni ning-ko teng-a napna man-ja. Sal salgini kokkimaoo dongode jagring ro-a; baditan churoroa inditan jagring kan-dikangskaa.

Jagringko nie bachi mai ong-a uko tik ka-na man-a. Pringo jagring ro-bea, aro saliramchi ga-aka; atam-chibara uni bikpilachi ong-skara.

1. 'Suurini Rani' minggipa ki-tapko jak 24 oni jak 32 ona poraibo.

RIPAMCHI

Rongtalgipa walo ripamchi ga-akbata. Je pringo ripamchiko nikbata, ua salo ia lessonko skiode namgen.

Mikka maikai aramoni ga-aka ? Badia jarango mikka wabata ? Da-o chini gipin dingtang obostani gimin poraigen. Ia rokomni chiko sin-karini pringo samsi aro bijakrangni kosako nikna man-a, indiba uan mikka gita aramoni ga-akja. Bolni bijakrangoni tingtot tingtot dake chi ga-aka. Salni teng-sua nange chini tingtotrang ching-chet ching-chet daka. Unon samsini kosako re-ode juta aro ja-a sosia. Sin-karini wal rongtalode, chong-motan mikka wajaode aro balwa baljaode budurang aro bol bijakrango indake bang-en chi tom-kaa.

Rongtalgipa aro aram grigipa walo samsi, budu aro bijakrango indake chi tom-dakgipakon ripamchi minga.

Sal naan baksa ka-sne ka-sne ripamchi nikgija ong-anga. Jeo sal nangbata unonin ripamchi gimachenga. Salakingipa biapo ripamchiko ruutbate nikna man-a. Iachin salni ding-an ripamchini gimaangani a-sel ong-a ine uina man-a.

Salo salni ding-ani gimin ripamchi tom-dakja; sal gimikon samsi aro bijak ran-e donga. Sal ding-ani gimin a-a ding-ode ripamchi ong-katna man-ja ine iachin uina man-a. Sal napani on-tisa ja-manon samsi, budu aro bijakrang ka-sina. Balwa uarango nange ka-sina indiba unoba ripamchiko nikja. Baditan waltinganga inditan ka-sinbatroroanga. Indiba adita waltingon samsi aro bijakrangko rim-e niode adita sosie nika. Uarangni kosako ripamchi tom-kaon uandake sosie nika. Iachin walo ka-sinani gimin ripamchi ga-aka ine uina man-a.

Aram pindapani walna bate rongtalgipa walni somoio ripamchiko bang-bate nikna man-a. Balwa ta-raka aro mikka waa griode aram simdapgipa wal rongtalgipa walna bate ding-bata, chong-motan rongtalgipa walon ka-sinbata aro iani giminan ripamchi onbata. Iachin badita ka-sina inditan ripamchi ona ine uina man-a.

1. 'Suurini Rani' minggipa ki-tapko jak 20 oni jak 23 ona poraibo.

SAL ARO WAL

Sal salo teng·ako on·a. Iani teng·achin samtangtang seng·ako man·a. Salo mande pringoni atamona kingking kam ka·a aro matburung, do·o ma·manti pilak janggi gngangiparang pringoni atamona kingkingan ma·manti dake miko. Dal·gipa songjinmani ramao gari chakani gor gor ine gam·a aro gurerangni mikoan pilakchin gapa.

Salo jechiko nia uchikon ma·manti nikanirangko nikna man·a. Sko kambeo salgi, aram, sal aro samtangtangchi bolrang, nok, jam ma·manti mikrono ga·aka. Chong·motan jechiko nia mikkango je gngang ukon nika.

Sal pringo inditana kingking ding·ja indiba sal baditan kosakchina tang·doa inditan ding·roroa. Nokni ning·o salakim dongani gimin nok ning·o ding·breja. Sal napangan baksan ka·sinanga. Atamo ka·singipa balwa bala.

Salo manderang kam ka·a. Bi·sarang pringo chakate miksu jaksue poraina re·anga. Gamgipa a·bachina re·anga. Rakkual matchuko nirikna re·anga. Na·tok rim·giparang na·tok rim·na chichina re·anga, dhobi ba·ra su·na re·anga. Pilakan an·tangtangni kamko ka·na re·angtoka.

Pilak do·drang aro noko jilgipa jillanirang salo cha·aniko am·a. Matchu, mes, do·bok ma·mantin atamo nokona re·bapila.

Salni teng·a dongjaode mamung bostuba chajawachim. Bol bijakrangni tangsekgipa rongrang talanggenchim. Samsiko ro·ong sinjetode adita salni gisepon gipokanga.

Pilak janggi gngangiparangan neng·takna walko nanga. Wal dongjaode aro sal pangnan teng·suode salni ding·ani gimin pilak bosturangan kame sitokgenchim.

I. Nipilitaiani : Ka-mao seani gimin bi-sarang sal aro walko tosusagen.

- (1) Ding-a aro seng-a.
- (2) Mande aro matburungni kam.
- (3) Wal ba salni donggijani.

JAJONG ARO ASKI

Jajongni rong rimitnangnang dake boka. Jajong jarambongani rong boksranga. Nabachengon uko on-titi gitchake nika. Indiba jarambongoba adita gisingipa dakko nikna man-a. Ia dakrang, haida a-bri, rong-kol, ran-gimin chibimani chinrang ong-a.

Jajong salna bate chonbata chong-motan jajong a-gil-sakna bateba chonbata.

Salna bate jajong a-gilsakona sepangbata. Nacheng-mitingo jani bimang kingwenga. Ka-sne ka-sne uan dal-oroanga. Jarambongani jajong nina tom-beta. Jarambongani sal sagipao jajong chonoroangtaia. Ka-sne ka-sne on-tiprak komirooanga. Unikoa uni bimang nachengani gita ong-a; indiba uni grong dakgipa nachengani grong dakgipani bikpilachisa ong-skaa.

Ja nachengani jajong sal naparion nabara. Indiba a-bachengachibara jani teng-a inditana kingking teng-bea ong-ja; uni teng-achi a-gilsak jasengja.

Indiba walantin ja on-tiprak ja-manchakroroe nabara, aro ja-manchakroroe napangskara. Ja-man ki-tiko wal-sade naan najarang. Ua walkon jabitchim ine minga.

Sal biap damsao tom-tom dongenga, indiba jajong a-gilsakni samtangtangchin wilwila. A-gilsakba salni samtangtangchi wilwila.

Jajongna agreba salgio aro bang-en chonchongipa bostuko nikna man-a. Uarangko aganronga gita aski minga.

Adita askirang tik ka-gimin biapo donga. Uarang biapsanon donge salgio ching-chet ching-chet daka.

Uarang ge-prakan sal ge-prak ong-a, indiba a-gilsakoni chel-beao dongani gimin sal gita dal-e aro ching-e nikja, aro salo salni teng-suao uarangko nikna man-ja.

Mitam askirang salgio biapko srea. Uarangni teng-a tom-toma, chong-motan uarang skang aganbagimin askirang gita ching-chet ching-chet dakja. Uarangkon planetrang ine minga.

Aski ramako mesokgipa ong-a. Bachipak mai ong-a uko gualode askichi uko tik ka-na man-a.

Dhrub-Tara minggipa aski pangnan salgrochi naronga. Uni giminan uachin bachipak mai ong-a uko tik ka-na man-a. Uan Polar Star ine minggipa ong-a.

I. 'Suurini Rani' minggipa ki-tapko jak 34 oni jak 37 ona poraibo.


MONSOONNI A-SEL, MAI?

Ding-gipa balara tang-doronga, ka-singipa balara onkal-gipa biapona tang-onronga. Balwara balenggipa balrara ong-a. A-ani pilak biaprangara apsan ding-a aro sin-a ong-ode balwa mamungsaloba dongjawachim. A-ani Equator jolorango ding-beani gimin, aro a-ani North aro South Pole jolorango ka-sinbeani gimin, Equatoro dong-gipa bal tang-doa, aro ua tang-dogimin balni bangbang biapo balchi gapate polerangoni Equatorchipak balwarang balbaronga.

Polerangoni Equatorona balbagipa balwarangko kalasirang Trade Winds (Badingani Balwarang) mingronga. Uarang salgrooni salgipengona tongtonge balbarongja, indiba chongkrenge salgrosalaramoni salgipeng-saliramona balrongskaa. Indake balani a-selara a-ani wilwilani gimin ong-a.

June jaoni October jaona Monsoon balwa salgipeng-saliramoni balbaronga, aro October jaoni December

jaona salgro-salaramoni balskaronga. India balwa adha bilsina paksaoni, aro pile adha bilsina mikkangchakgipa pakgipinoni maina balwa balronga? Uni a-sel bang-bango salni jitrrobotani a-sel ong-a. Calcuttani sepango donggipa Tropic of Cancer minggipa lineo bilsiprako changsao sal sko kambe kosakoni sronge teng-suona. Uni ja·mano salgipengchipak jitrroe Equatorni nalsachi Tropic of Capricorn minggipa lineo salara sko kambe kosakoni sronge teng-suona.



JUNE JAO BALWA BACHIPAK BALENGA MESOKANI


Salgipeng-Saliramni Monsooni gimin. June jao Calcuttani sko kambe kosako sronge sal donge Calcutta jolrango sal teng-suona. Uni gimin Calcutta jolrango aro India a-songni salgro jolo donggipa a-kawerango ua somoio ding-bebatronga. Ia biaprangni ding-gipa bal tang·doa, aro ia tang-dogimin balni bangbang biapko gapatna gita ka-singipa chijimgipa bal balbaskaa, aro ua somoio Calcuttani salgipeng jolrango ka-sinkalronga, maina ua biaprangni kosako sal chongkregesa teng-suonenga. Uni gimin salgipengoni salgrochipak ka-sinkalgipa balwarang balbaa, ba, tiktak aganna skode, salgipeng-saliramoni salgro-salaramchipak bala. Ia

balwa balanikon Salgipeng-Saliramni Monsoon minga. Uan Indian Ocean aro Arabian Sagaloni balbaronga.

Salgipeng-saliramoni balbanitingon ia ka-singipa balwarang Western Ghats minggipa a-brirangko baltongchenga. Ia a-brirang ding-ani gimin aro baltonggipa balwani aramrang chijingipa ong-ani gimin ua a-bri jolrango jimbee mikka waronga. Western Ghats a-bri-rangni saliram a-solsol biaprango ia somoio mikka jimbea, aro bilsil gimiko hisab ka-e inch 600 ona kingking mikka waa (Garo Hillso inch 150-175 one ga-akronga). Ia a-brirang chubeani gimin uarangni nalsachi uarangni ku-chotrang gita on-titisan chijingipa balwa baljokaia, uni gimin Western Ghats a-brirangni nalsachi salaram jolrango saliramchipak gita mikka jimbeja.

Arabian Sagaloniba Malabar Sagal rikam gita balbae Monsoon balbaronga. Ua balwara Ceylon chichangko balduule, Bay of Bengal gita balbae Assamona sokbaronga. Uni gimin ia jolrangoba June jao mikka jimberonga.

Salgro-Salaramni Monsoonni gimin. Salgro-Salaramni Monsoon October jao balbachenga. Ia somoio Equatorni salgipengchipak sal sko kambe kosako donge a-aona



OCTOBER JAO BALWA BACHIPAK BALENGA MESOKANI

sronge teng-suona. Ua somoio a·ani salgipeng jolrango ding·kari ong·enga. Unon Indiani salgrochi Asiani jat·chigipa jolrangna bate Indiani salgipeng jolrang ding·bata. Uni gimin salgro-salaramoni salgipeng-saliramchipak balwarang balronga. Indiba balbamitingo ia balwara dal·gipa sagal ba oceanko balbattongjani gimin chijimgipa balwa ong·ja, uni gimin Salgro-Salaramni Monsoonara balbaon Indiani salgro jolrango mikka waatjachim. Indiba Madras Presidencyo uni balbaani mikka waat·ronga, maina ia balwara uachipak balangmitingo Bay of Bengalko balbattonge sagaloniko chiko salopronga. Eastern Ghats minggipa a·brirang chugipa a·brirang ong·ja, ua balwarang ua a·brirangni ku·chotrangko baljokninge uarangni nalsachi donggipa jolrango mikka waronga.

Published by Miss F. M. Rold of the Woman's American Baptist
Foreign Mission Society, Tura, Assam, and Printed by Norman A. Ellis,
Baptist Mission Press, 41A Lower Circular Road, Calcutta.

